

KUKHONJWA KWAKHRISTU

KUYOYONKHE IMINYAKA

 Impela loku ngikutsatsa ngekutsi kuyinhlanhla lenhle kakhulu kuba lapha kusihlwa. Kukwekucala kimi kutsi ngibe lapha kulelidolobha lelihle laseBirmingham. O, bengifuna kuta, tikhatsi letinengi. Kodvwa kuyabonakala nje kungatsi kuyasebenteka, futsi iNkhosi Inesikhtsai saYo leyisibekile setintfo, ngako Ukwente kanjalo. Siyabonga ngalesikhatsi, futsi nangalabasiti ngetimali labakahle laba.

² Futsi manje kusihlwa luhlobo lwe... Sihlala njalo sineluhlobo lwe—lwebusuku lapho sesejwayele khona. Futsi, niyati, uma usesakhiweni lesinjengalesi, lapho kukhona... isengakasetjentiselwa tinkonzo telibandla, angicabangi. Ngiyacondza yindzawo yekugcina tikhali. Mhlawube nje mhlawumbe kufola, nemidlalo, nalokunye njalonjalo. Akufani nekungena ebandleni. Lapho u... Ngikhholwa kutsi ebandleni unaMoya waNkulunkulu ukhona, futsi kubonakala kwangatsi kunekutivela lokungcwеле. Kodywa uma ufika endzaweni lapho kukhona khona kweketichaza, futsi ngaletinye tikhatsi lokunye kuchubeka, khona-ke kubonakala kwangatsi kulukhuni kutsi kucale sikhashana, site satane lomunye nalomunye. Futsi, ke, sonkhe asikejwayeleki, lomunye kulomunye, kwenta kutsi nje... Yebo-ke, siyabuka bese siyatibuta. Kodvwa uma nje sitama kususa loko, ngalokukhulu kushesha lokungenteka.

³ Futsi—futsi khumbulani nje silapha kutokhonta iNkhosi Jesu. Silapha kutsi sente lesingakwenta, yonkhe intfo lesingayenta, kuchubekissa uMbuso waKhe. Futsi ngibeka imitamo yami embili. Futsi a—angeke ngikhone kukwenta ngedvwa. Kutobita lusito lwakho ngelusito lwami, nangelusito IwaNkulunkulu, futsi ngaYe sitawukhona kubona inkhatimulo yaNkulunkulu yehla isivakashele. Futsi nguloko lesikufunako kahle, nguloko lesikutele lapha, kuvakashelwa lokuvela kuNkulunkulu.

⁴ Manje asisesibo labanengi ngesibalo, futsi asinato ticuku letinkhulu kakhulu. Singeke sihlale sikhatsi lesidze kakhulu. Futsi lenye intfo, ngi... uMlayeto wami ucișhe impela ube bantfu befull Gospel. Kukuletotisekelo, naloku nje wonkhe umuntfu eta.

⁵ Sikhulekela labagulako. Futsi asitisho kutsi ngingumphilisi noma lomunye umuntfu angaphilisa lomunye umuntfu. Sikholwa kutsi munye kuphela umphilisi, lowo nguNkulunkulu. Kodvwa sikholwa kutsi Wagcoba umuntfu kutsi akhulekele

labagulako, futsi senta loko. Sikhulekela labagulako. Futsi iNkhosi ibe nemusa kitsi, kuperhendvula imikhuleko yetfu, sikhatsi lesinengi kakhulu. Futsi tsine, emhlabeni jikelele, sibonile, yebo-ke, nje kuphindvwaphindvwe katinkhulungwane letiphindvwe katinkhulungwane tebantfu, labachwalile, labahlushiwe, timphumphutse, tinyonga, labanganyakati, baphiliswa. Futsi nje siyakholwa kutsi sivele...kutsi, "Ulinyatwa nganca yetiphambeko tetfu; ngemivimba yaKhe siphilisiwe tsine." Futsi sikholwa kutsi leyo yinzuzo, leyo yinhlanhla ye, emakholweni.

⁶ Manje, akusiko kulabangakholwa. Bantfu batsi, "Yebo-ke, a—angikholwa kutsi loko kungenteka." Yebo-ke, kungeke kwenteke kuwe. Nje—nje uvele ukucatulule loko, angeke kuze kwenteke kuwe. Kodvwa kutoba kulabo labakholwako, ngoba kwemakholwa kuphela.

⁷ Manje loko akusenti umphilisi, akukho ngetulu kwekushumayela insindziso isenta sibe nguMsindzisi. Si—siyati kutsi munye umphilisi munye neMsindzisi munye, futsi lowo nguMuntfu lofanako lucobo, Jesu Khristu. Silapha kutsi siMkhatimulise kubantfu.

⁸ Manje, imvuselelo akusiyio kahle hle leyengeta emalunga ebandleni. Imvuselelo ivuselela loko lobowuvele ukutfolile. Futsi ngalesinye sikhatsi ngiyatibuta kutsi yani imvuselelo.

⁹ Loku kungevakala kungakejwayeleki kancane, kutsi sihambi kuwe, kusho loku. Kodvwa ngangime elusentseni lwelichibi, ngalolunye lusuku, e-Lake Michigan. Ngangibuka emagagasi, kutsi angena aphindze aphume kanjani, futsi bekagcuma. O, bekungumoya lohhusha ngemandla, futsi—futsi lamagagasi abentjuzela etulu emoyeni, futsi abejikajika phansi nasetulu, futsi agicikele ekhatsi aphindze abuye aphume, futsi aphindze agicike. Ngacabanga, "Yami, kwaze kwaba yimvusele!" Kodvwa, niyati, sekwababete emanti kulela chibi njengoba abekhona ngalesa sikhatsi kukahle kakhulu futsi kuthulile. Kunjalo. Linani nje lelifanako lemanti. Niyabona na?

¹⁰ Khona-ke ngiyatibuta, kungani lelichibi litamatisekile na? Ngalokufanako nje natsi nasitamatiseka emvuselelweni. Situngeleta lapho. Niyati kutsi kuhlala njalo kwentani echibini, noko? Iyalihlanta. Igeza yonkhe inkhukhuma iphume elusentseni. Ngako kungako sifanele sibe nemvuselelo ngoba; sisuse konkhe kungakholwa netintfo kusuke kitsi, kute sibone lokucace kakhulu loko Nkulunkulu lasifunela kona. Nguloko lesikulangatelele kulesikhatsi lesi, yimvuselelo emkhatsini webantfu.

¹¹ Manje, umsiti ngetimali wami, uMnaketfu Urshan, labanaketfu lapha, futsi mhlawumbe labanye bahleti ngephandle ekhatsi lapho. Manje, babashumayeli

baNkulunkulu, ngalokufanako nje njengoba mine noma bonkhe labanye bashumayeli. Ne . . .

¹² Jesu watsi, ngalesinye sikhatsi, “UMbuso weliZulu ufaniswa nemuntfu lowatsatsa inethi wase uya echibini. Futsi ngesikhatsi aphonsa inethi ekhatsi, wayikhipha, futsi ekhatsi lapho bekanato tonkhe tinhlobo.” Inethi yeliVangeli ibamba tonkhe tinhlobo, manje, tonkhe tinhlobo tetinhlanti. Niyabona, mhlawumbe beba labanye babo beba, batsi, kwakubomantjikitane emanti, labanye babo kwakutinyoka, labanye babo bulembu, labanye timfudvu, futsi— nalokunye njalonjalo, futsi labanye babo kwakutinhlanti sibili. Ngako, asati kutsi sibambe ini enethini, sidweba ngenethi nje.

¹³ Futsi manje ngiyeta... Kudweba ngenethi lokubili kutawufika khashane kunekudweba ngenethi kunye. Futsi ngite kutowufaka inethi yami. Kudweba ngenethi. Sikubita njalo, letulu eNyakatfo, *kudweba ngenethi*. Futsi Ngite ku—kutewuluka inethi yami kanye nemanethi abo, emanethi enu. Futsi asilahlele lekhashane ngephandle, khashane ngalesingakukhona. Futsi sihlanganise emanethi etfu ndzawonye, netinhltiyo tetfu ndzawonye, nemitamo yetfu ndzawonye, futsi asidvонsele ekhatsi, kubona kutsi ikhona yini inhlanti iNkhosi lengayisebentisa. Futsi nguYe Kanye Lowehlulela loko. Tsine asati. Bonkhe babukeka bafana kitsi. Babanjwe enethini nje. Kodvwa Nkulunkulu uyati kutsi babobani, futsi wabati kusukela ekucaleni. Ngako nje singulabadweba ngemanethi, asisibo behluleli kwehlulela kutsi ngubani longuye nekutsi ngubani longuye. Sidweba ngenethi nje, ngako ngilapha kutsi ngnisite.

¹⁴ Futsi manje kuleliviki, khulekani, banini selucingweni, nishayele lomunye umuntfu, futsi sibamemele ebandleni, ngale lakugcinwa khona tibhamu lapha. Sinesikhatsi lesifishane nje. Kwetfuka, kwenta bantfu baguliswe yimizwa uma nje cishe ngesikhatsi utfola kwetayela, nebantfu sebatintile, khona—ke ufanele uye kulenyen indzawo.

¹⁵ Bengihlala njalo ngitibuta, ngaletinye tikhatsi, kube—kube bengingeke ngikhone, ngalolunye lwaletinsuku leti, sinelithende futsi singene ngasedolobheni lelikhulu lelinjengaleli futsi silimisa, kute sikhone kuhlala emaviki lamanengana; futsi ngibe nemhlangano webashumayeli wasekuseni, futsi nighlangane nabo bonkhe bashumayeli futsi sikhulumisane ngalentfo.

¹⁶ Futsi ngiyetsema kutsi iNkhosi itobusisa imitamo yetfu kuleliviki. Ngiyetsema kutsi akunawubakhona ngisho namunye umbhedze lomncane, noma situlo semasondvo, nomangabe kuyini, lokushiyewe lapha; noma umuntfu munye logulako nenkhatsato yenhlitiyo, iTB, umdlavuza; kodvwa loko iNkhosi Jesu letokuphilisa. Ngitobe ngikhuleka.

¹⁷ Angivakashi kakhulu impela, ngoba, niyati, loluhlobo lwenkonzo. Akusingoba angifuni kuvakasha. Kodvwa kungoba ngi—ngi—ngingeke ngikhonte Nkulunkulu bese-ke kuba ngumuntau, ngesikhatsi lesifanako. Ngifanele ngihlale kimi lucobo futsi ngikhuleke. Futsi ngitawube ngentela nine loko. Nani nibenenta lelenye incenye, nihlangana ndzawonye futsi ningenisa bantfu, nakanjalonjalo, futsi niletse labagulako nalabahlaselekile; futsi ningikhulekele, ngamunye angikhulekele. Sikuwina kanjalo-ke kuncoba.

¹⁸ Manje nje kutsi kubeka sisekelo saloko lesitama kukwenta. Tsine, indzawo yekucala, asikameleli noma nguliphi lihlelo; angikamelani nanomanguliphi lihlelo, kodvwa angikameleli ngisho nalinye. Simile...

¹⁹ Ngagcotjwa, iMissionary Baptist. Ngase-ke ngiyaliyekela likhadi lami lenhlanganyelo, hhayi inhlanguyelo nebazalwane bami, kutsi nje ngingamelelwa emkhatsini wanomangumaphi emacembu. Ngita ngalapha kuPhentekhostali, ngesikhatsi ngiyokhulekela labagulako futsi ngatfunywa kutsi ngente njalo. Ngita ngalapha emkhatsini wePhentekhostali, futsi ngiyatfola, naloku nje bekunelicembu linye lawo, kodvwa ngatfola kutsi kunemacembu lamanengi lapho njengoba akhona kuBaptist, lehlukene. Ngako nga—ngabona baphikisana, futsi bebaphikisana eBaptist, ngaloku, *loko*, nalolokunye, ngako ngivele nje ngibayekele baphikisane.

²⁰ Futsi ngitotama kubeka imikhono yetfu kuwo wonkhe umuntfu, bese ngitsi, “Sonkhe sibazalwane. Asikhonte nje iNkhosi.” Futsi umtselela lomncane lengangingaba nawo, angiwubeki kunoma nguliphi lihlelo lelitsite, ngiwubeka nje kuKhristu. Futsi lapho si...Futsi sitama kuMkhonta ngaleyondlela.

²¹ Wonkhe umuntfu umenyiwe, akunandzaba. Wonkhe umuntfu wemukelekile. Kuphela nje uma utiphatsa kahle futsi uhlelekile, ngani, wemukelekile nje ngako konkhe.

²² Manje, lenye intfo, yinchubo yetfu yekukhulekela labagulako. Manje, lusuku ngalunye, uMnaketfu Borders, noma Terry, noma uMnaketfu Sothmann, noma Billy Paul noma... Ngalokuvamile, nguBilly Paul. Lowo ngumsebenti wakhe. Futsi uma angeke akhone kufika lapha, kutoba ngulomunye walawa lamanye indvodza lotobe akhipha emakhadi ekukhulekelwa lusuku ngalunye. Bayakwenta loko; behlele lapha, atsatse emakhadi ekukhulekelwa, likhulu lawo, futsi awahlanganise onkhe, khona embikwemehlo enu ngco, bese-ke unika bantfu lamakhadi, loyo lofuna linye. Manje lusuku ngalunye benta loko. Kuze kutsi, ngesikhatsi sicala kwekucala, sitfole kutsi ufanele ubenemakhadi ekukhulekelwa. Akusiyo inkhundla yetemidlalo, niyati, kufucana kulomunye nalomunye. Kuyi...Nifanele nibe nako kuhlelekile.

²³ Futsi-ke sitfole lotsite etama kutsengisa emakhadi ekukhulekelwa, futsi acinisekisa bantfu kutsi basukume, langembili. Futsi ngako, loko, kwafanele ngikumise loko. Ngase-ke ngifaka indvodzana yami lucobo kuloko, ngoba bengati beyingeke itsengise ngisho linye.

²⁴ Wase-ke umcabango uyefika, “Unginika likhadi lekukhulekelwa lelitsite. Ngukuphi lapho utowucala khona kubakhulekela, kusihlwa? Futsi-ke ngi—ngitokhuleka... Ngifuna lelokhadhi lekukhulekelwa.” Yebo-ke, kwenta lowomfana aciniseke kuloko, cha, akati kutsi lelolayini lalabakhulekelwako litocala kuphi, uhlanganisa lamakhadi, bese uyaniniketa. Akati kutsi nguliphi lalakunika lona. Uvele nje akunike likhadi lekukhulekelwa. Lomunye angahle atfole lekucala, lomunye atfole lemashumi lasihlanu, na-nakanjalonjalo.

²⁵ Nekukuphindza kibili loko, ngita ngebusuku tsite, futsi akukho muntfu, futsi angati, cobo lwami, lapho ngitocala khona kubita lawomakhadi ekukhulekelwa. Ngingahle ngicale kulekucala, futsi ngingahle ngicale kusukela emashumini lamabili nesihlanu. Ngingahle ngicale kulemashumi lasikhombisa nesihlanu noma likhulu, futsi ngisebente ngiye emuva; lishumi nesitupha, bese ngiya embili bese-ke ngiyemuva. Noma ngubani losewake waba semhlanganweni, uyati kutsi sikhenta ngaleyondlela, emuva nje nasembili, nomakuphi.

²⁶ Futsi, ke, nsuku tonkhe. Kucala, siyehla bese siniketa onkhe emakhadi ekukhulekelwa, lusuku lwekucala; bese-ke labefikako bayangena, behluleke kutfola likhadi lekukhulekelwa, loko kuyayicedza indzaba, abakakhulekelwa ngesikhatsi semhlangano. Kodvwa manje siyawaniketa, nsuku tonkhe, kuze noma ngubani lofuna likhadi lekukhulekelwa akhone kuba nalinye. Mhlawumbe ngalobunye busuku asifikasi kuwo onkhe, kodvwa, bamba likhadi lakho, sitofika kulo ngaphambi kwekutsi sihambe.

²⁷ Manje, kodvwa kunalabanengi, labanengi labaphilisiwe etetsamelini, labanengi kunalabo labaphiliswako kunalebebengiko lapha ngembili. Kukholwa kwakho lokwenta kophilisa. Akusiwo umkhuleko wetfu. Umkhuleko wetfu utosita, akukho kungabata. Sonkhe sibutsana ndzawonye, sikukhulekele, kutosita. Futsi uma...

²⁸ Bese-ke ngeliSontfo ntsambama, iNkhosi itsandza, sitobe sikhulekela wonkhe umuntfu, sitsatse emakhadi abo ekukhulekelwa futsi sikhulekele bonkhe; noma mhlawumbe ngeMgcibelo ebusuku, munye, kuya ngekutsi ngumuphi webazalwane lafuna sikhente kuye.

²⁹ Futsi manje sifuna kusho loku kute nitocondza. Sizatfu ngikhipha lelolayini lalabakhulekelwako, kuhlangabetana nawo

wonkhe umuntfu, kungoba umgomo wami, inhoso yami—yami, nguloku, kutsi bantfu batokwemukela Khristu njengemphilisi wabo kungekho muntfu lobeke tandla etikwabo.

³⁰ Ngalokwejwayelekile, utsatsa umvangeli, ete edolobheni, yebo-ke, u—ungiko konkhe ebandleni. Uma esuka, ngaletiny tikhatsi libandla libuka umfundisi wabo, futsi litsi, “Yebo-ke, utsini ngemelusi wami na?” Ngifuna nati kutsi umelusi wenu uyindvodza lemesabako nkulunkulu, futsi ngifuna nibe netinhlonipho futsi nati kutsi leyondvodza igcotjiwe nje kuhulekela labagulako njenganoma ngubani lomunye logcotjiwe. Futsi si—sifuna nine...na—nange...

³¹ Empeleni, injongo yetfu, lemcoka, ingeyenu kubona Bukhona baJesu Khristu, futsi nati kutsi Ulapha. Futsi-ke, nisesebukhoneni baKhe, yemukelani nje Yena njengeMsindzisi wenu neMphilisi wenu. Uma ungakasindziswa, uMemukele njengeMsindzisi. Uma usindzisiwe, futsi ungakaphilisia, khona-ke Memukele njengemPhilisi wakho. Khona-ke akekho longatsi, “uMnaketfu *S'bani-bani* wangibeka tandla.” Cha. Nguwe lobeke tandla etikwaKhe, khona-ke nguleyo intfo lemcoka. Manje ngifuna nikubeke loko emcondvweni, sonkhe sikhatsi. Nguwe lobeka takho...loMtsintsako. Futsi liBhayibheli lasho, kutsi, “UngumPhristi loMkhulu lonekuvelana nebutaksaka betfu.” Futsi manje khumbulani loko, nguwe loMtsintsako. Hhayi...

³² Umfundisi unelilungelo lekubeka tandla. Beka...Hhayi umfundisi kuphela. “Letibonakaliso leti tiyobalandzela labaholwako,” emakholwa nje, noma ngubani abeka tandla etikwalabagulako, banelilungelo lekwenta loko. Kutimbandzakanya nemuntfu, ngemkhuleko. Njengoba nje ubeka tandla takho, ngekukholwa, etikwaKhristu, futsi utimbandzakanya neMlatjelo wakho. Ngako khumbulani kutsi manje njengoba li—njengoba liviki lichubeka, futsi nikhuleke ngebusotfo.

³³ Manje, ngicabanga kutsi loko nje kutsi kukumbonya manje. Bese kutsi-ke busuku ngabunye sitama kuphuma kusenesikhatsi, ngaphambi nje kwesikhatsi ngangoba singakhona. Manje, siyacala manje emizuzwini lengemashumi lamabili nesihlanu kute kuge yinsimbi yemfica, ngekusho kweliwashi lami. Futsi uma iNkhosi itsandza, sifuna kuphuma njalo ebusuku nase igabence yemfica, noma mhlawumbe ngaphambi kwaloko, kute nibenesikhatsi lesinengi, niye emakhaya enu niphindze nibuye. Manje uma ungakakhulekelwa, noma ungakubambi ngebusuku bekucala...

³⁴ Inkonzö yami ingahle ibe ngulengakejwayeleki kancane kuwe. Kodvwa uma ingakejwayeleki, ungayijikijeli nje eceleni. Hlala phansi futsi uyinake; tsatsa liBhayibheli. Manje, ngiyakholwa kutsi Nkulunkulu angenta tintfo Langazange

sekatibhale lapha eBhayibhelini, kodvwa ngifuna Yena nje... Uma Atogcina loko Lakubhale *Lapha*, ngitawukwenetiseka ngako.

³⁵ Ngoba, siphila etinsukwini tato tonkhe tinhlobo tetintfo lettingakejwayeleki, lokugcamile lokungesiko ngekwembhalo. Kodvwa, niyati, etinsukwini taNowa... Jesu watsi, “Njengoba kwakunjalo emihleni yaNowa.” Niyati, bantfu mhlawumbe bakha tikebhe ngaletotinsuku, noma ngabe betakhiwe nguNkulunkulu noma cha, kodvwa atizange setindande uma sekufika sikhatsi saso sekutsi sindande. Ngako ngiyawutsandza uMlayeto kutsi wakhiwe nguNkulunkulu kanye nemiBhalo, uMlayeto wekwemBhalo, futsi khona lapho naWo, yonkhe intfo ngemBhalo. Ngu ISHO KANJE INKHOSI, ke. Futsi kufanele kume, ngoba, akusilo livi lami lelingabatwako, kutoba Livi laKhe lelingabatwako. Lisuselwe emBhalweni!

³⁶ Futsi sisekuntjintjeni kwesimiselo sesikhatsi. Siyatjintja manje. Futsi lonkhe luntjintjo, njengekwakha sakhiwo, ufika ekoneni, ufanele wente likona, aku—akujejwayeleki. Wonkhe umunfu ufunu kugijima ehle acondze ngco; bewungaba nelubondza lunye lolukhulu. Kodvwa sakha sakhiwo. Futsi sesifike emakoneni, futsi ufanele untjintje, lawomakona. Njengoba uMnaketfu Don Price kahle kakhulu, u...futsi ukubeke kahle kakhulu kungesiko kadzeni. Kuleto tingucuko ngulapho inkhatsato ifika khona, lapho i...Kulukhumi kulelokona, kwenta, kusika lelokona futsi ulente nje libe ngulelikahle.

Manje ngaphambi nje kwekutsi sifundze Livi...

³⁷ Busuku ngabunye, uMnaketfu Borders ungumenenja wasensimini, kantsi futsi ukhulumna ngembili.

³⁸ Nadokotela Lee Vayle ukhona lapha ndzawanatsite. Ngiyacabanga ufikile lapha. Uhlangene nami eKentucky, ashayela emakhilomitha langemashumi lamane nesiphohlongo ngeli-awa, abhilikela lenye iFord. Futsi ngako, eta lantasi, futsi ngahlangana naye. Futsi ungu—ngumunfu lokhulumela sive. Utobe akhulumna, ngiyacabanga, ndzawanatsite emhlanganweni, ngalelinye lilanga. Ngako uma kukhona noma ngumuphi umbuto nomayini, ngani, butani uMnaketfu Vayle, utokhona kunisita kulemibuto. Kulungile. Manje njengoba si... [Akucoshwanga etheyiphini—Umhl.]

³⁹ Ngaphambi kwekutsi sifundze Livi, ngingelisiko kutsi sisukume lapho sisafundza Livi laNkulunkulu. Siyema uma sidlala ingoma yesive lets *The Star-Spangled Banner*, futsi sikhombise kuhlonipha, kungani singemi nasifundza Livi laNkulunkulu!

⁴⁰ Ngitofundza kusihlwa kumaHebheru, sahluko se 13, ngicale ngelivesi le 1.

Akutsi lutsandvo lwebuzalwane luchubeke.

Ningakhohlwa kungenisa tihambi: ngoba kukhona labanye labangenise tingelosi bangati.

Khumbulani labo lababoshiwe, njengalababoshwe kanye nabo; nalabo labanenhlanhla lembi, kungatsi njengoba nani ningibo emtimbeni.

Umshado uhloniphekile kubobonkhe, nembhedze ungangcoliswa: kodvwa labaphishaneke netingwadla netiphingi Nkulunkulu utobehlulela.

Akutsi kukhulumisana kwenu kungabi nekuhawukela; futsi weneliswe nguloko lonako: ngoba utsite, Angeke ngikushiye, kanjalo ngeke ngikulahle.

Kuze sisho ngesibindzi sitsi, INkhosi ingumsiti wami, futsi angiyukwesaba umuntfu angangentani na.

Bakhumbuleni labo leba...lebaniholako, labakhulume kini livi laNkulunkulu: labo kukholwa kwabo lokulandzelako, nicondza siphetfo setinkhulumo tabo.

Jesu Khristu longuye itolo, . . . namuhla, naphakadze.

⁴¹ Asikhotsamise tinhloko tetfu umzuzwana nje, sentele umkhuleko. Manje tinhloko tetfu netinhlitiyo tetfu tikhotseme, angati nje noma tingabakhona yini ticelo kusihlwa, ungatsanza kukhunjulwa, ungapiphakamisa nje tandla takho kuNkulunkulu, utsi, ngaloko, “Ngikhumbule, O Nkhosi.” Ngiyabonga.

⁴² Babe wetfu loseZulwini, njengoba sisondzela esiHlalweni saKho sebukhosи sebuNkulunkulu, eGameni lelenele konkhe leNkhosi Jesu, Lowatsi, “Uma nicela noma yini kuBabe eGameni laMi, kutoniketwa.” Futsi sibonga kakhulu ngalesetsembiso, sati loku, kutsi kukholwa kwetfu kucindzetela kuphume ngo manje ngale kwato tonkhe titfunti tekungabata, sati kutsi tsine, ngekukholwa, siyakhulumisana naNkulunkulu Somandla. Ngoba, setsembiso. Futsi kuphindze kwashiwo kutsi, “Lapho lababili noma labatsatfu babutsene ngeliGama laMi, Ngikhona lapho emkhatsini wabo.”

⁴³ Manje ngamunye wetfu unesicelo, Nkhosi, njengoba siphakamisele tandla tetfu kuWe. Wena uyati kutsi yini lesetinhlitiyweni tetfu, ngaphansi kwesandla setfu. Futsi sikhulekela kutsi Utosiphendvula, Nkhosi. Hhayi kutsi sifanelwe yimphendvulo, kodvwa ngoba Wetsembisa kuyiphendvula. Watsi Utosipha kona. Futsi ngiyati kutsi Utokwenta, ngoba U-UnguNkulunkulu lomkhulu lowenta emazulu nemhlaba, neliJaji lawo onkhe emazulu nemhlaba. Futsi Ungasho info letsite Longeke uyente ilunge na? Akube khashane naNkulunkulu ngekwenta lokunjengaloko. Lukuswelekile, kukholwa kwetfu kutsi sikukholwe.

⁴⁴ Futsi siyakhuleka, Nkhosi, kutsi lobusuku lobu buto—butokhutsata kakhulu kukholwa kwetfu futsi ukufucele ngephandle endzaweni lenjalo kutsi sitohamba nako, Nkhosi, ngale kwekuondza. Kutsi, singeke setame kucondza; sitokholwa nje. “Futsi kukholwa kukuciniseka ngetintfo lesitetsembako, nebufakazi betintfo lesingatiboni noma sitifikazele.” Siyakukholwa nje, futsi ku...Nkulunkulu ukwenta kwenteke.

⁴⁵ Futsi siyakhuleka, Babe, kutsi lapho, kutsi—kutsi tiNgelosi taNkulunkulu tiyokuma kuwo wonkhe umnyango, futsi lonkhe lilayini letihlalo, na—nakusosonkhe sihlalo; futsi uthohla tinhilitiyo tetoni, kutsi—kutsi tinjalo, tise—tisephutsemi, futsi kwangatsi bangayemukela iNkhosi Jesu, ke. Nalabo labangenawo umbhabhatiso naMoya; kwangatsi Moya loNgcwele ungehla sisakhuluma, futsi ngesikhatsi Bukhona baKhristu buyaphatseka kakhulu. Siphe kona, Nkhosi. Sikhulekela kutsi akunawubakhona lobutsakatsaka emkhatsimi wetfu. Kwangatsi wonkhe umuntfu longena kuleminyango, Nkhosi, angaphefumulewa kakhulu ngekukholwa kutsi batophiliswa, wonkhe umuntfu.

⁴⁶ Busisa labafundisi laba, Nkhosi, lamabandla eveni lonkhe. Kwangatsi, ngesizatfu salomtamo lomkhulu labantfu laba lawukhiphile...Bantfu labancane sinjalo, kodvwa, noko, Nkhosi, bantfu labacotfo futsi ngitama kubamba loko kuKhola lokwetfulwa kulabangewe kwaba kanye, ekhatsi nebumnyama. Kwangatsi kungeta imvuselelo leyifashini lendzala, lokukutsi, ichume nje kuwo onkhe emabandla ndzawotonkhe, nalabangewe labalambile bacale kumemeta kakhulu, netoni titalwe eMbusweni waNkulunkulu, njengalabangewe. Siphe kona, Nkhosi. Nguleyo inhloso yetfu. Nguloko lokusetinhilitiyweni tetfu. Sitama kukwentela ludvumo lwaKho loku, Nkhosi, ngoba siyati kutsi asinaso sikhatsi lesidze kakhulu sekuhlala.

⁴⁷ Sibona umhlaba uyavevetela futsi uyamatatama phindze, futsi nangaLesihlanu waGudi, njengaseminyakeni lengemakhulu lalishumi nemfica leyendula ngaLesihlanu waGudi. Futsi Watsi kuyobakhona kutamatama kwemhlaba etindzaweni letehlukene. Sibona tonkhe tibonakaliso tibonakala, futsi siyati kutsi sikhatsi sesisedvute.

⁴⁸ Ngako, Nkhosi, sifuna kusebenta lapho sisakhona, ngoba, uma kuphila sekuphelile, angeke sisakhona kusebenta. Futsi siyakhuleka, Babe loseZulwini, kutsi sitoveta imitamo yetfu kulesikhatsi lesi. Futsi uma umhlangano sewuya emlandvweni, kwangatsi singeva kutsi sente lokuhle lokwendlula konkhe lesingakwenta. Siphe kona, Nkhosi. Busisa bazalwane bami, ndzawotonkhe. Busisa bonkhe manje labatongena emhlanganweni, nalabo labatokuva. Ngoba sikucela eGameni laJesu. Amen.

Ningahlala phansi. Ngiyabonga, mnaketfu.

⁴⁹ Ngifuna kutsatsa sihloko kusihlwa, uma nje bengingakubita ngesihloko, ingcoco lencane lehlelekile nje, futsi sibitwe, Jesu... Khristu, njalo, ukhonjwa kuyo yonkhe iminyaka. Ngalamanye emagama: *Kukhonjwa KwaKhristu Kuyo Yonkhe Iminyaka*.

⁵⁰ Ngoba, emaHebheru 13:8 atsi, “Unguye itolo, namuhla, naphakadze.” Futsi sifuna ku—kubona, kutsi kanjani etikhatsini letendlulile, kutsi Bekayini. Manje, sikhulumka kakhulu ngaYe, futsi nguloko lesilapha kutsi sikwente manje kakhulumka ngaYe. Futsi manje, uma Anguye itolo, namuhla, naphakadze, futsi—futsi uma Abonwa wase uyatiwa itolo, pho kungani angabonwa namuhla? Uma Aboniwe futsi watiwa, futsi wakhonjwa etinsukwini letendlulile, pho kungani singenti intfo lefanako namuhla?

⁵¹ Siyatfola, loMuntfu lomkhulu, akekho lobekangake eve ngaYe ngaphandle kwekutsi ba—bafune kutfola lokunengi ngaYe. Kukhona lokutsite ngaYe! LeloGama laJesu Khristu, alikho lelinye nje ligama, ndzawo, lelikhangha bantfu kanjalo. Kuyintfo letsite ngaLo!

⁵² Umuntfu, yena, uyati kutsi uvela ngaley. Nelikhethini lelimnyama lelilenga emkhatsini wakhe nalapho bekakhona ngaphambi kwekutsi ete lapha, futsi uyati kutsi ufanele aye ngale kwalelokhethini. Futsi uhlala njalo afuna kwati kutsi uvelaphi, kutsi uyini, nekutsi uyaphi. Sinetigidzi temicukutfu lebhaliwe, ngiyacabanga, kulesifundvo. Kodvwa kunayinye kuphela iNcwadzi, futsi leyo ye... Leto yimicukutfu lengemashumi lasitfupha nesitfupha ngeKwayo, lengakutjela kutsi uvelaphi, ungubani, nekutsi uyaphi, futsi leyo nguleliBhayibheli. Livi lelikutjela kutsi uvelaphi, kutsi ungubani, nekutsi uyaphi.

⁵³ Bantfu labanengi kakhulu banemicondvo leminengi leyehlukene mayelana naKhristu, futsi ikakhulukati kulolusuku lesinalo manje.

Sinalabanye babo labaMtsatsa njengathishela lomkhulu nje.

⁵⁴ Futsi, Bekanguye, kodvwa Bekangetulu kwathishela lomkhulu. Niyabona na? Bekanjalo. Akuzange sekubekhona umuntfu lowakhulumka njengaYe, kodvwa Bekangetulu kwathishela lomkhulu nje. Kodvwa loko kubonakala kufana kakhulu ngekwati kwekudzabuka kwetintfo letinkhulu emkhatsini walamanengi emabandla namuhla, kuMtsatsa nje njengathishela, longazange sekafundzise njeNgaye phambilini. “Ungulomkhulu nje, somlandvo wasendvulo lomangalisako, noma thishela, njalo, kusukela etinsukwini letendlula. Kufundzisa kwakhe kukahle, futsi ungayikholwa incenye yako, nalenye incenye yako ungeke. Kodvwa Bekangulowati kudzabuka kwetintfo!” Ngalamanye emagama, BaMtsatsa Khonfuyukhasi, lowati kudzabuka kwetintfo wase—

waseShayina weminyaka lengemakhulu lamanyenti leyendlula. Manje, Bekangetulu kwathishela. U—Ungetulu kwaloko.

Khona-ke labanye, baKhe, bacabanga ngaYe ayindvodza lelungile.

⁵⁵ Yebo-ke, Be, Bekayindvodza lelungile vele. Bengiyoyodvwa iNdvodza lelungile lesike impela saba nayo, bekuNguye. Kwakufanele kubekhona uMuntfu munye lolungile kutsi asifele tsine umuntfu lomubi, ku—kusenta sibe kahle, hhayi ngemisebenti yetfu lemihle; ngaloko uMuntfu lolungile lakwentile, wahlenga sonkhe lesicuku setfu, niyabona.

⁵⁶ Futsi kungaba buwula kanjani, emvakwekuba indlela yinye yekuhlengwa, futsi linye kuphela licebo lelentiwe, bese-ke uyakwala loko. Loko bekungaba yi—yintfo lebudlabha kutsi yentiwe, kwala indlela lekuphela, licebo lelikuphela; lowo nguNkulunkulu, licebo laNkulunkulu. Kunalamanengi lamanye emacebo; kodvwa Nkulunkulu unelicebo, nalelocebo lingaJesu Khristu, futsi Yena yedvwa. Alikho nganoma nguyiphi inchubo, noma nguyiphi inchubo yetemfundvo noma nguyiphi inchubo yebuhlelo, nomayini. LingaJesu Khristu, futsi Yena yedvwa. Lelo licebo laNkulunkulu leliPhakadze, ngaYe. Nkulunkulu sonkhe sikhatsi wenta tintfo ngendlela yinye. Akayiguculi indlela yaKhe yekukwenta.

Manje sitfola kutsi labanye batsi, “Bekangumprofethi.”

⁵⁷ Futsi, umprofethi, Bekanguye, kodvwa Bekangetulu kwemprofethi. Bekangumprofethi, nangetulu. Futsi bebabe nebaprofethi labanengi. Bonkhe baprofethi bafa egedeni lekufa, kodvwa loMuntfu watsatsa tikiya, “kufa, sihogo, lithuna,” njengoba Samsoni enta emagede aseGaza, walikhisha; wakhipha ludvonsi nekufa lucobo lwako, futsi wakugwinya ekuncobeni, futsi wavuka ngelusuku lwesitsatfu, kuncoba, wenta emakholwa aKhe abe ngetulu kwebancobi. Sekuvele kuncotjiwe. Akusekho lutfo lolusele kulwenta ngaphandle kwekuhamba sicondzekhatsi nengoma yemncobi etinhliityweni tetfu. Ungulomkhulu Loncobako, nalona Lomkhulu bekangetulu kwemprofethi.

⁵⁸ Manje, baprofethi bebangemadvodza lamakhulu. Si—siyakwati loko. Livi leNkhozi leta kubaprofethi; futsi lita kubo, futsi bona kuphela. Futsi sitfola kutsi lowo ngumBhalo, loko loKushoko. “Akenti lutfo ngaphandle Akutjele tinceku taKhe, baprofethi, kucala.” Futsi bekayindvodza lenkhulu, kodvwa loMuntfu lona bekangetulu kwemprofethi.

⁵⁹ Manje siyatfola, ke, bantfu labanengi bacabanga kutsi Bekangumhleli welibandla, kwenta...bekayindvodza lenkhulu lenengcondvo lenkhulu, nemabandla lahleliwe, bekti kutsi ahlanganiswa kanjani.

⁶⁰ Ngive umphristi akhuluma, kungesiko kadzeni, watsi, “Jesu Khristu wahlela libandla lekucala laseRoma, futsi Bekafanele ati kutsi kwentiwa kanjani.”

⁶¹ Manje, liBandla alizange lihlelwe, futsi Alizange licale eRoma. Lacala ejerusalem, ngeluSuku lwePhentekhosti, futsi hhayi eNayisiya, eRoma. Futsi Li... Futsi Jesu akazange sekahlele lutfo. Yena, intfo lekuphela Layenta, kwakukubita. Awuzange, awukahelwa kuKhristu; utalelwa eMbusweni waNkulunkulu.

⁶² Ngi—ngisanda kucedza lusuku lwami Iwekutalwa, ngeMsombuluko lowendlulile, futsi benginemashumi lasihlanu nesihlanu eminyaka budzala. Futsi niyati, umndeni wakaBranham awuzange sewungicele kutsi ngijoyine lomndeni. Ngatalwa nginguBranham.

⁶³ Futsi simaKhrestu kanjalo natsi. Sitalwa nje singumKhristu, ngeMandla ekuvuka kwaJesu Khristu. Futsi singemaKhristu ngekutala. Loko, loko kusenta tidalwa letinsha. Emvelwени yetfu lendzala, besingeke sibe ngemaKhristu. Kungalesosizatfu, namuhla, sinalabanengi kakhulu labatibita ngemaKhristu, futsi baphila noma nguluphi luhlobo lwemphilo; abakaze bahbole-... abakaze beve ngaloko kutalwa kabusha, leyoNtfo letsite lekuguculako, lekhiphapha kuphila. Njengekudvonsa ingati iphume kumunfu, naloko kuneluhlobo lolutsite lwengati, nekuFaka lolunye luhlobo kuye. Kudvonsa imphilo lendzala iphume kulendvodza, futsi kujovela kuPhila kwaKhristu ekholweni, bese-ke uba sidalwa lesisha. Usidalwa lesisha.

⁶⁴ Manje indlela kuphela lesiyoke sati ngayo, futsi sikhone kwenta bonkhe bantfu beneliseke...

⁶⁵ Kube bengingacela e—emaPhentekhostali, kusihlwa, nicabanga kutsi Ufanele abe yini? Beba “yoba naYe aliPhentekhostali.” Uma bengingabuta u—um—United Brethren kutsi leni; “Kungani angum—United Brethren.” Kube bengingabuta iMethodisti; “Kungani, BekayiMethodisti.” IBaptisti, kanjalonjalo.

⁶⁶ Kodvwa manje yinye kuphela indlela ye—yekwenelisa loko, futsi ukwente ngekwemBhalo. Manje sifuna sonkhe sikhatsi, langembili, sihambelane ngco nemBhalo; uma kungenjalo, nibophelelekile kutsi nite kimi futsi—futsi ningicondzise. Manje, ngifuna kuba nemiBhalo.

⁶⁷ Ngako indlela kuphela yekwati kutsi Uyini namuhla, kutfola kutsi Bekayini. Niyabona na? Kutsi, Watsi, “Unguye itolo, namuhla, naphakadze.” Futsi uma singatfola kutsi Bekayini, khona-ke Utufanele afane namuhla, ngoba Angeke agucuke. LiBhayibheli latsi, “Unguye,” n-g-u-y-e, “nguye itolo, namuhla, naphakadze.”

⁶⁸ Manje kuJohane wekuCala, noma Johane loNgcwele sahluko 1, siyatfola. Naku lokwashiwo ngumbhali, lophefumulelwe

nguMoya loyiNgcwele, wabhala loku. “Ekucaleni bekakhona Livi, naLivi bekakuNkulunkulu, naLivi bekanguNkulunkulu. Futsi Livi waba yinyama wakha emkhatsini wetfu.”

⁶⁹ Kwangatsi ngingakuhlahlela na? “Ekucaleni bekakhona loPhakadze.” Bekangesuye ngisho Nkulunkulu. Nkulunkulu, ligama letfu lesiNgisi lelitsi *nkulunkulu*, yi—yi “ntfo lekhontwako.” Kodvwa, Yena, kwakungekho lutfo lwekumkHonta. bekanguloPhakadze nje.

⁷⁰ KuYe kwakutincenye. Noma ngubani uyati kutsi incenye iyini. Ngalamanye emagama, kuYe kwakuyimcabango yaKhe, imicabango nje, leyo yincenye yaKhe. Khona-ke, Livi laKhe. Ne—nemcabango, lovakalisiwe, uLivi. “Ekucaleni bekakhona Livi.” Ngaphambi kwekutsi ngisho ivakaliswe, kwakungumcabango, tincenye.

⁷¹ Kulokucabanga loku, Bekatoba nguNkulunkulu. Mhlawumbe wadala tiNgelosi, kucala, wase-ke uyakhontwa. BekanguNkulunkulu.

⁷² Futsi, ke, kuYe kwakutincenye tekuba nguBabe, kuba yiNdvodzana, kuba nguMsindzisi. Akukho lokwakulahlekile; kwakudzingeka kubekhona lokulahlekako, ngako kwakufanele kube nendlela leyentelwe loko. Kuba nguMphilisi; akukho lutfo lolugulako, ngako Bekanalokutsite lokwakufanele kugule kute Akhone kukuphilisa. Kuveta kuphela tincenye taKhe.

⁷³ Futsi manje, khumbulani, uma wake wakwenta, noma uyoke ube nekuPhila lokuPhakadze, wawunaKo ke ngaYe. Niyabona, wawunaWe kuYe. Ngoba, Jesu wefika, naJesu bekanguMhlengi. *Kuhlenga* lutfo, ku, “kuyibuyisa” kusuka lapho kuwele khona noma kuye khona. *Kuyihlenga*, “kuyibuyisela emuva.” Futsi wena, indlela lobuka ngayo, ungubani, ngubani, kutsi ungbubani ligama lakho, loko kwakukucabanga kwaNkulunkulu ngaphambi kwekusekelwa kwemhlaba. Futsi Jesu akafikanga kusindzisa yonkhe lentfo; Bekafuna, kodvwa Utela kutohlenga, abuyisele labo bebasemicabangweni yaKhe ngaphambi kwekucala.

⁷⁴ Kungalesosizatfu, BekaLivi lelentiwe inyama. Niyabona na? “Nkulunkulu bekakuKhristu, enta kutsi live libuyisane naYe lucobo.” Livi, kucabanga kwaNkulunkulu kutsi Bekatkwenta kanjani, Wativeta Yena lucobo kuJesu Khristu. KwakunguNkulunkulu aba ngulophatsekako.

⁷⁵ Manje, lawukhona manje, ufile, ngoba kwamanje ungu... Kufana nekutsatsa sitfombe. Uyinegetivu. Noma nguyiphi inegethivu iya egumbini lelimnyama, yendlule kuma-esidi, kugeza lesitfombe, kukwenta ubone kutsi siyini. Manje sesisemfanekisweni lovakalisiwe waKhe. Inegethivu itsetfwe, siyimphilo yemuntfu. Kodvwa kufanele siye egumbini lelimnyama, phansi ekhatsi ethuneni, kutsi sendlule ekugezwensi, sitewubuya emuva sivele emfanekisweni; o, hhe, umusha

ingunaphakadze, konkhe lokuguga nako konhe le...
kukhubateka nakokonkhe lokunye kutawutsatfwa kuyiswe
kudze.

⁷⁶ Khona-ke sihlengiwe, tincenyen taNkulunkulu, emuva
ngco. Nkulunkulu, lokuphatsekako, naKhristu eBandleni;
njengendvodza nje nemkayo, kunjalo, Khristu neMlobokati.
Ngoba, kuhlenga emuva, kucabanga kwaKhe, nekucabanga
kwaKhe kuyavetwa.

⁷⁷ Manje wena utsi, “Loko kutsetse sikhatsi lesidze.” Hhayi
kuNkulunkulu. Sinemkhawulo. Sifanele sisheshise.

⁷⁸ Bengicabanga. Ngesikhatsi ngisuka eJeffersonville, futsi
ngishayela emakhilomitha langemashumi lasihlanu ngeli-
awa, Ngashayela ngehlela eBirmingham ngelusuku lunye
futsi incenye lencane yebusuku, futsi ngacabanga kutsi loko
kwakungasho lutfo kangako kimi. Kodvwa uma-ke intfutfwane
lencane yetama kugijima loko na? Lokwakungakusho kuyo!
Niyabona, beyingeke ikwente timphilo tayo letitinkhulungwane.
Kodvwa kwakungasho lutfo kimi, lokukhulu kimi. Kutsiwani
ngendiza na? Kutsiwani ngendiza lenkhulu na? Bese-ke
sonkhanyeti na? Bese-ke, kutsiwani ngaNkulunkulu na?

⁷⁹ Niyabona, Jesu ubetselwa itolo kuphela ntsambama,
esikhatsini saNkulunkulu, kube Bekanesikhatsi. “Iminyaka
leyinkhulungwane ilusuku lunye kuphela kuNkulunkulu,
njengoba kwakunjalo.” Akusiko ngisho loko. Kuphela,
“njengoba kwakunjalo, ngalelinye lilanga.” Ngako loku
bekungesilo nje cishe liviki, uma nifuna kubala sikhatsi kuYe,
kuphelela kusuka ekecaleni kwendalo, solo uyakukhulisa nje.

⁸⁰ Nkulunkulu nemicabango yaKhe, aba ngulophatsekako,
futsi-ke loko kusiletса ngekuPhila lokuPhakadze. Futsi kuPhila
lokuPhakadze, sinye kuphela simo saKo, lowo nguNkulunkulu.
Futsi-ke nguNkulunkulu lobonakaliswe eBandleni laKhe,
njengoba Nkulunkulu abonakaliswa eNdvodzaneni yaKhe.
NguNkulunkulu lofanako ngasosonkhe sikhatsi. Nkulunkulu
angetulu kwetfu; Nkulunkulu anatsi; Nkulunkulu akitsi;
abuyisela nje yonkhe intfo ngco emuva.

Manje, “Ekucaleni bekakhona Livi.”

⁸¹ Manje kube besitokhuluma ngekutsi ngubani lotokwehlulela
umhlaba, kungani, ungatsi, lomunye angatsi... Ngive umuntfu
longumKhatolika, watsi, “Nkulunkulu uyokwehlulela live
ngelibandla laseKhatolika.” Uma Akwenta, nguliphi libandla
laseKhatolika na? Niyabona, banengi kakhulu labehlukene
babu. Libandla leMtsetfo, lesiGrikhi, noma leRoma, noma ini,
niyabona, kutsi nguliphi libandla laseKhatolika laYokwehlulela
ngalo live na? Yebo-ke, uma Alehlulela ngelibandla
laseKhatolika, khona-ke iPhrothestane seyiphumile. Uma
Alehlulela ngelibandla lemaPhrohestane, khona-ke iKhatolika
ingeaphandle. Uma Alehlulela ngeMethodisti, iBaptisti

seyiphumile. Yebo-ke, wena utsi, "Awume kancane, bonkhe ba . . ." O, cha.

⁸² Khumbulani ekucaleni, lona, lona lowavikelwa, lona wa . . . loku Nkulunkulu lakunika Adamu naEva, kwakukuhlala emvakweLivi laKhe. Futsi hhayi nje ku . . . Sathane akazange angatiphatsi . . . akazange amtjele kutsi Lalingenjalo. Wacaphuna kabi nje ligama yinYe laLo. Futsi uma sinye sigatjana sabanga yonkhe lenkinga lena, kugula, nebuhlungu benhlitiyo, netinsizi, sigatjana sinye sitasikhiphela ngepahandle kwaLo.

⁸³ Nkulunkulu uyokwehlulela live hhayi nganoma nguliphi licembu lelitsite. Uyokwehlulela live ngaJesu Khristu, naKhristu uLivi. ULivi. "Ekucaleni bekakhona Livi, Livi bekakuNkulunkulu, naLivi bekanguNkulunkulu. Futsi Livi waba yinyama wakha emkhatsini wetfu." Ngako ULivi laNkulunkulu lelivakalisive kuwo wonkhe umnyaka. UMenta abe nguye itolo, namuhla, naphakadze.

⁸⁴ Watikhomba Yena lucobo, ekucaleni, nebaprofethi. Manje, khumbulani, baprofethi ngulowo iNkhosi lekhulumu ngaye. Futsi-futsi manje caphelani, Watikhomba Yena lucobo etidalweni letibantfu, kusukela khona impela ekucaleni, kusuka nje ekucaleni kwesikhatsi.

⁸⁵ Uhlala njalo anendlela yekwenta tintfo, futsi Akayiguculi indlela yaKhe. Kungalesosizatfu ngingalikholwa Livi laKhe. Uma Nkulunkulu ake wabitelwa enkhundleni kwenta sento; nesincumo Nkulunkulu lasenta ngesikhatsi Abitelwa enkhundleni, Utofanele ente ngendlela lefanako ngaso sonkhe sikhatsi uma Abitelwa enkhundleni, noma nakungenjalo Wenta kabi ekucaleni. Ngaphandle kwaloko, uma Abitelwe kusindzisa umuntfu, Wamsindzisa etikwetisekelo letitsite; futsi uma Ake wabitelwa kusindzisa lomunye umuntfu, Utofanele ente ngendlela lefanako Lenta ngayo kwekucala, noma Wakwenta ngalokuliphutsa ngesikhatsi Akwenta ngendlela yekucala. Uma ake Wabitelwa enkhundleni kuphilisa umuntfu, futsi Wamphilisa etisekelweni tentfo letsite; uma ake Wabitwa futsi kutsi aphilise, Utofanele aphiliswe kuletotisekelo letifanako, noma nakungenjalo Wenta lokuliphutsa. Futsi Ungulongenasiphetfo, losetindzaweni tonkhe, lowati konkhe. U-UnguNkulunkulu longenasiphetfo, ngako Akagucuki.

⁸⁶ Manje, tsine singulabanesiphetfo. Singasho kutsi *loku* kungiko, namuhla, kusasa singatfola lokutsite lokwehlukile. Singabancono. Sinaletincono, sakha tindlu letincono kunalebesinato eminyakeni lelikhulu leyendlula. Sinetimoto letincono kunaleti besinato eminyakeni lengemashumi lamabili lendlulile, futsi sesinekwekuhamba lokuncono, nanoma yini lenye lofuna kungena kuyo. Sincono ngoba siyafundza.

⁸⁷ Kodvwa Nkulunkulu akakaze, ngoba Uphelele, kwekucala nje. Ngako-ke, Yena neLivi laKhe kuyafana, ngako Livi laKhe liphelele. Uma ungakukholwa loko, ungalokotsi ute elayinini lalabakhulekelwako, ngoba nguleto tisekelo kuphela longemukela noma yini. Kukholwa kungatsatsa kuphela kuphumula kwako etikwentfo letsite lecinisekile ngayo, nalokukholwa kwangempela kuhleti kuleLidwala langunaPhakadze leLivi laNkulunkulu langunaPhakadze. ALisuki. Lihlala khona lapho nje, nomakutsiteni. Ukhulumna ngaleLidwala lase-Gibraltar na? Ngulelo liDvwala leMinyaka lelime kulo. Livi lingeke lize ligucuke, nekukholwa kuhleti etikwaLoko. Watsi, “Emazulu nemhlaba kutawendlula, kodvwa emaVi aMi angeke ehluleke.” Besilisa nebesifazane labake bacondza noma yini, bebangemadvodza nebafti lebebakukholwa loko kutsi kuliCiniso. Futsi lelo liCiniso. Yena, Livi, liCiniso.

⁸⁸ Manje sitfola kutsi Yena, ekucaleni, Nkulunkulu wabela Livi lelingaka emnyakeni ngamunye, umnyaka ngamunye—ngamunye. Futsi-ke njengoba leloLivi liba sikhatsi saLo kutsi lembulwe... Kunganigeji loku. Uma sekufika sikhatsi saleloLivi kutsi lembulwe, ngalokwejwayelekile umuntfu bekanalo seloniwe kakhulu, waze Wabonakala kumprofethi. Hlolani imiBhalo. Niyabona na? Manje khumbulani, Nkulunkulu longagucuki, Angeke atigucule tindlela taKhe. Ufanele sonkhe sikhatsi akwente ngalokufanako, lokungagucuki.

⁸⁹ Ake ngininike sibonelo sinye nje. Ngesikhatsi umuntfu awa, ona, naNkulunkulu wabitwa, kungenteka kutomlahlela ekwahluelweni kumentela indlela yekuphunyula. Manje, Nkulunkulu, ensimini yase-Edeni, wenta licebo linye kutsi asindzise umuntfu, ngendlela yinye, futsi loko kwakuyiNgati lecitsekile yesikhonti lesingenacala. Akakaze akugucule. Sitamile kwakha emadolobha, imibhoshongo, kufundzisa, kuhlela, kodvwa kwehlulekile konkhe. Nkulunkulu angahlangana kuphela nemuntfu ngaphansi kweNgati lecitsekile yaloWo longenacala. Wakwenta loko ensimini yase-Edeni, futsi Akakaze akugucule.

⁹⁰ Futsi Nkulunkulu akatiguculi tindlela taKhe. Yena, uma Akwenta, khona-ke Unesipheto njengoba nginjalo, wena unjalo. Sitsi, “Yebo-ke, bengineliphutsa *lapho*, kodvwa ngi—ngitoba ngulocinisile kulesikhatsi lesi.” Hhayi Nkulunkulu. Ucinisile kwekucala nje. Akadzingi kuntjintja lutfo. Wenta lesetsembiso, futsi UnguNkulunkulu, Uhlala ngakuso.

⁹¹ Njenga-Abrahama, bekacinisekile kutsi Nkulunkulu bekangakhona kugcina noma yini Layetsembisa, ngako wabita noma yini lephambene neLivi ngekungatsi yayingekho. Wachubeka wahamba nje ngalokufanako, waphambana nesayensi, bufakazi besayensi, futsi waphambana nemizindlo, kungekho tsema, ngekumelana nako konkhe lokwakukhona.

Livi laNkulunkulu lita kucala. Abrahama watsi, “Yonkhe lenye intfo ayibe liphutsa.” Bekatoba neluswane, nakanjani. Futsi ngako bekanalo, niyabona, ngoba walukholwa.

⁹² Manje siyatfola, ke, kutsi Nkulunkulu longagucuki uhlala enta ngalokufanako. Manje caphelani, kafishane nje, emlandvweni wesikhatsi. Hambani nami manje, kwemizuzu lembalwa nje lelandzelako. Asibuyelevemuva futsi siyotfola.

⁹³ Ekucaleni Wakhuluma kubaprofethi, neLivi leNkhosi leta kumprofethi. Nemprofethi, akhona kusho tintfo tisengakenteki, tintfo tebunkulunkulu, futsi tenteka kanjalo nje, kwakuyinkhomba yakhe. Umprofethi, *umboni*, usho kutsi, “lowo loveta noma asho intfo ngaphambili,” kantsi futsi ungu “mhumushi webuNkulunkulu weLivi lelibhaliwe.” Noma ngubani uyakwati loko, lowatiko kutsi umprofethi usho kutsini.

⁹⁴ Manje leligama lesingisi, *umphrofethu*, u-m-p-h-r-o-f-e-t-h-i, lisho kutsi, “umshumayeli,” noma ngubani ungumshumayeli.

⁹⁵ Kodvwa umboni welithestamenti leLidzala, lobekubhekiswa kuye njengemprofethi, bekanguye lowabona tintfo ngaphambili. Watsi, “Uma akhona emkhatsini wenu longuwakamoya, noma umprofethi, Mine iNkhosi Ngitawutatisa kuye. Futsi lakushoko kufezeke, khona-ke muveni; kodvwa uma kungafezeki, ningamuva lowomprofethi, niyabona, ngoba uprofetha ngekwemanga. Kodvwa uma ngimtfumile, loko kuyoba yinkhomba yaMi, lakushoko kuyofezeka. Utalelw eveni, wagcotjwa, watiwa ngaphambili nguNkulunkulu kutsi ente loko.” Ngoba, “Tonkhe tiphiwo nekubitwa kungaphandle kwekuphendvuka.” Bamiselwa ngaphambilinguNkulunkulu.

⁹⁶ Ngaphambi kwekutsi umhlabu uke ucalle, Bekati konkhe ngako. Bekalati lonkhe lizeze, yonkhe imphungane, nekutsi iyokwenta emafutsa langakanani, nekutsi iyocwabita kangakhi ngemehlo ayo. Loko-loko akunasiphetfo, niyabona, akunasiphetfo. Loko nje...Uma kungenjalo, khona-ke Akasuye longanesiphetfo. Bekati yonkhe intfo. Futsi U...Ungulosetindzaweni tonkhe nalowati konkhe. Ngoba Ungulosetindzaweni tonkhe, lowenti...Lowati konkhe kuMenta abe ngulosetindzaweni tonkhe. Wati yonkhe intfo, wakwati ngaphambi kwekutsi kucale umhlabu.

⁹⁷ Bekati, ngaphambi kwekucala kwemhlabu, sitawube sihleti lapha. Bekati kutsi tandla tami ngitatiphakamisa phindze ngitehlise emahlandla lamangakhi. Manje Bekawati emavi lengitowasho. Bekati kutsi mahlandla lamangakhi lowawutocwabitisa emehlo akho, loko lobewungakucabanga, ngaphambi kwekutsi kuke kucale umhlabu. Sesaba ini na? Nkulunkulu unguBabe wetfu. Kunjalo. UnguBabe wetfu. Asinakukhatsateka. Bantfu nje sebalahlekelwe kukholwa kwabo kanye nekutsembela kuYe.

⁹⁸ Futsi sitfola kutsi loko kuhambisana netikhatsi temnyaka, bese-ke kubakhona emaVi Nkulunkulu lawakhulume kutsi afezeka. Bese-ke bonkhe bayahlangahlangana; bese-ke Nkulunkulu usitfumelela umprofethi enkhundleni, nalowomprofethi ucinisekisa leloLivi lalowomnyaka, sonkhe sikhatsi. Fundzani yonkhe imiNyaka yeliBandla, lesifanele sibe nako, bonani kutsi aniveti yini sitfombe sabo lawo madvodza kwengca sonkhe lesikhatsi seMnyaka weliBandla njengoba sibabona, kusukela ngesikhatsi—sebaphostoli. Manje caphelani loku, futsi.

⁹⁹ Nkulunkulu wakhulumu kuNowa, futsi bekangumprofethi, wamjtela ngaloko lokwakuta. Waprofetha, futsi kwenteka.

¹⁰⁰ Manje naku kufika Josefa. Josefa, sibonelo lesiphelele, lowo kwakunguKhristu kuJosefa. Ngani, niyacaphela, bekatsandvwu nguyise, azondwa bomnakabo, ngoba bekangumboni. Bebamtonda, ngaphandle kwesizatfu. Lendvodza akukho leyayingakwenta, loko lebeyingiko. Futsi lalabanye bomnakabo bebamtonda, umfanekiso lokahle kakhulu weminyaka yonkhe. Sonkhe sikhatsi, uma umboni efika enkhundleni, bonkhe labanye bayamtondza, ngesizatfu lesifanako labenta ngaso Josefa. Akukho lebekangakwenta. Yena re-...Bekakhona kuhumusha emaphupho abo; akazange sekabe neliphutsa. Abe—abesho tintfo tingakenteki; bekangakaze abe neliphutsa. Nabomnakabo bamtonda, ngaphandle kwesizatfu.

¹⁰¹ Futsi, caphelani, imphilo yakhe yafanekisa Khristu kitsi, impela. Ngisho watsengiswa, cishe impela, ngetinhlavi tesiliya lettingemashumi lamatsatfu, wakhishwa emgodzini; futsi wahlala ngesekudla saFaro, umbusi wemhlaba ngalolosuku. Futsi njalo uma ashiya sigodlo, bebashaya licilongo, base batsi, “Lonkhe lidvolo liyaguca, ngoba Josefa uyeta.” Umfanekiso lophelele waKhristu esikhatsini seminyaka leyiNkhulungwane; lapho licilongo likhala ne...Uyophuma, futsi lonkhe lidvolo liyoguca netilimi tonkhe tiyovuma kuYe.

¹⁰² Caphelani, ejele lakhe, bekangumprofethi. Ngulapho la atsengiswa khona futsi wafakwa ejele, nganca yemfati waPhotifa. Khona-ke siyatfola kutsi lapho ngekhatsi umsilahi kanye nembhaki, bobabili bebaneliphupho, futsi walihumusha leliphupho, nalomunye walahlwa nalomunye wasindziswa. Wentanjalo naJesu esiphambanweni, impela; lomunye walahlwa, lomunye wasindziswa, ngesikhatsi Asejele laKhe, wachanekwa esiPhambanweni. Sibonelo lesiphelele nje.

¹⁰³ Siyatfola kutsi ngesikhatsi Mosi efika enkhundleni manje, manje, Mosi bekangeke ete ngamoya lofanako noma ngendlela lefanako, nemlayeto lofanako lo—Nowa lebekanawo, kwakungulomunye umnyaka, kugcwalisa lelinye Livi. Nkulunkulu watsi, “Intalo yakho iyoba sihambi eveni

lebetive, ibe yi—yinceku iminyaka lengemakhulu lamane, khona-ke Ngitobakhipha ngesandla lesinemandla.”

¹⁰⁴ Kodvwa ngesikhatsi Mosi abitwa, watsatsa iminyaka lengemashumi lamane yekufundza, kwase kutsi-ke iminyaka lengemashumi lamane kukukhipha konkhe kuye futsi, khona-ke Nkulunkulu wambita ngekuKhanya lokungetulu kwemvelo, iNsika yeMlilo ihleti emuva esihlahleni lesivutsako. Futsi bekati kakhulu ngaNkulunkulu, emizuzwini lesihlanu, kunaloko lakufundza eminyakeni lengemashumi lamane, ngoba bekaseBukhoneni baKhe.

¹⁰⁵ Nguloko lengi...Uma umuntfu aseBukhoneni baNkulunkulu, khona-ke wati lokutsite. Wati lokutsite, hhayi...Angeke akufundze etincwadzini, ungeke wafundza Nkulunkulu ngetincwadzi. Imfundvo ta-...Wena utsi, “Ungu D.D., Ph.D.” Loko nje kumtsatsa kumkhweshise kakhulu kangako kuNkulunkulu, kimi. Awumati Nkulunkulu ngemfundvo, wati Nkulunkulu ngekukholwa, uyaMkholwa. Umati kanjalo-ke Nkulunkulu.

¹⁰⁶ Futsi, noko, kungako ngicabanga kutsi imihlangano yetfu, eBukhoneni baNkulunkulu bebuNkulunkulu, bekufanale, kukhutsate kukholwa kwebantfu kwati kutsi akunandzaba kutsi isayensi itsini, kutsi longakholwa utsini, Khristu watfunyelwa kini, labakholwako, unelilungelo lekutfokotela inhlanganyelo yaKhe netibusiso taKhe, yonkhe intfo Layifela. Nako laph'ukhona.

¹⁰⁷ Akukho muntfu lonelilungelo lekushumayela liVangeli ate aguce kuleto tihabatsi letingcwele emuva lapho eBukhoneni baleyoNsika yeMlilo, futsi eve liPhimbo laNkulunkulu likhuluma naye. Niyati, tinkholo namuhla tingakuchaza kusuke konkhe, “Futsi loku kwenteka, futsi Loko sekuhamble. Futsi Loku kwakukwalomunye umnyaka, naloku.” Kodvwa umuntfu lowake wahlangana naNkulunkulu, buso nebuso, futsi wakhuluma naYe, akukho sosayensi noma akukho develi, noma lutfo lolunye, lolungeta kulowomhlabatsi longcwele. Bekalapho lapho ahlangana khona naNkulunkulu, futsi uyati kutsi ukhuluma ngani, futsi kute sidzingo sekutsi umuntfu etame kumtjela.

¹⁰⁸ Nkulunkulu akhuluma eminyakeni, ngebaprofethi baKhe, atikhomba Yena lucobo sikhatsi ngasinye emnyakeni lotako.

¹⁰⁹ Manje kwase kufika Jesu waseNazaretha. Bekangumprofethi, naye. LiBhayibheli latsi Uyokwenta. Dutheronomi 18:15, Mosi watsi, “INKhosи Nkulunkulu wenu iyonivusela umprofethi lonjengami, futsi kuye bantfu bayokuva.”

¹¹⁰ Manje caphelani wonkhe umnyaka, wonkhe Israyeli, bonkhe bantfu bakukholwa loko, baprofethi, ngesikhatsi babaprofethi labakhonjiwe. EmaHebheru esitsatfu-...EmaHebheru

sehluko sekucala, utsi, "Nkulunkulu, etikhatsini tasendvulo nangetindlela letinengi wakhuluma kubobabe ngebaprofethi; kulolu tinsuku tekugcina, ngeNdvodzana yaKhe Jesu Khristu." Niyabona, ngeNdvodzana yaKhe Jesu Khristu. Caphelani, akayiguculi indlela yaKhe; intfo lefanako, sonkhe sikhatsi kuchubeka kweLivi laNkulunkulu. Nkulunkulu akazange asebentise inchubo, akazange sekayisebentise inhlangano, akazange sekawasebentise emacembu. Usebentisa umuntfu munye loyedvwa.

¹¹¹ Uma uyiMethodisti, iBaptisti, loko kulungile; iPresbyterian, iPhentekhostali, loko kuhle; kodywa Nkulunkulu usebentana nawe njengemuntfu ngamunye. Nguwe, hhayi libandla lakho. Nguwe lobophelelekile, hhayi loko lokushiwo libandla lakho. Loko lokwashiwo nguNkulunkulu kuwe! Kufanele kube kanye neLivi. Yebo, Nkulunkulu usebentana nebantfu ngamunye. Bekahlala njalo akwenta.

¹¹² Baprofethi, akukho sikolwa sebaprofethi. Bakutama loko ngalesinye sikhatsi futsi behluleka. Ngako batfola kutsi, Ahabi bekanesicuku sabo entasi lapho. Kodvwa Nkulunkulu bekanamunye, naye, ligama lakhe nguMikhaya, kutsi bonkhe labanye babo bebamtonza, kodvwa bekaneliCiniso ngalesosikhatsi, bekaneliciniso leLivi, ngoba siprofetho sakhe sasihambisana neLivi.

¹¹³ Kufanele kubenjalo sonkhe sikhatsi. Umprofethi utfunyelwe kucinisekisa Livi leletsenjiselwe lolosuku.

¹¹⁴ Manje kulapho ke la behluleka khona kubona Jesu. Kunjalo impela. Bukani lawo indvodza, labo baFarisi nebaSadusi, tifundziswa letinkhulu lesingenato namuhla. Kufanale batalwe esiveni tsite, baphume esiveni tsite, emaLevi. Bokhokho-khokho-khokho-khokho babo bebabapristi, kusukela lapho kuyembili. Bebadadisha leloLivi, imini nebusuku, imini nebusuku. Kodvwa ngesikhatsi Livi licinisekiswa, bebangalati. Niyabona, bebanelisiko. Jesu watsi, "Nine ngemasiko enu nilente lite Livi laNkulunkulu." Manje, Ufika ngayo impela nje indlela umprofethi latsi Uyofika ngayo, kodvwa, niyabona, bebanelisiko futsi bebangakuboni Loko.

¹¹⁵ "Loluswane lolutelwe entasi lapho, kutalwa ngephandle kwemshado, futsi esitebeleni senkhomo, loko kwakungaba kanjani na? Nalomfo akayanga kunoma ngusiphi sikolwa. Bekangenatincwadzi letimchazako. Bekete likhadi lenhlanganyelo. Bekangasontsi kunoma nguyiphi inhlangano. Bebangasati sikolwa Laya kuso. Loku bekungaba kanjani ngunoma yini?" Kodvwa kwakungiko. Behluleka kubona.

¹¹⁶ Watsi, "Lemisebenti lengiyentako Mine, ifakaza ngaMi. Hlolani imiBhalo, ngoba kuYo nicabanga kutsi ninekuPhila lokuPhakadze; futsi Ngiyo Lefakazako, iyanitjela kutsi NginguBani. Ibufakazi baMi, imiBhalo." Watsi, "Uma

ningaNgikhola, kholwani lemisebenti lengiyentako. Iyanitjela kutsi NginguBani.”

Batsi, “SinaMosi. Siyamkholwa Mosi.”

¹¹⁷ Watsi, “Kube benimkholwa Mosi, benitokholwa ngiMi; wabhala ngaMi.” Niyabona na?

¹¹⁸ Bebamnyama kakhulu, futsi noma kunjalo abakubonanga. Ngiyatibuta kutsi loko bekungeke yini kuphindzeke na? Liphrofethiwe, niyati. Laliphrofethiwe, lapho.

Wena utsi, “Kulolusuku?” O, yebo.

¹¹⁹ “Labanemawala, labakhukhumele, labatsandza injabulo kunekutsandza Nkulunkulu, labangenakuthuliswa, bahlebi, labangatitsibi, bagceki balabo labalungile, banesimo sekumessaba nkulunkulu, kodvwa eMandla aka bawaphika; labo-ke ubagweme.” Kuprofethiwe, naso sonkhe siprofetho sifanele sigwaliseke. Angati noma sesisondzele kulesosikhatsi. Ngiyatibuta nje kutsi si. Asesicalateni nje kancane sibuke sinetseteke kanjani eZayoni. Manje siyatfola.

¹²⁰ Ake sibone kutsi Jesu bekayini, ngesikhatsi Efika. BekaLivi. BekaLivi mbamba. Futsi Livi lihlala njalo licondzisa. Licondzisa liphutsa. Naloku nje liphutsa lingakukholwa, ngalesinye sikhatsi, kodvwa Livi licondzisa liphutsa.

¹²¹ Bukani Jesu, aneminyaka lelishumi nakubili nje budzala; umfana lomncane lotsi akabe njengalomfo lohleti lapha alele, anetinsimbi emibaleni yakhe. Jesu abe—abengumfana lomncane, aneminyaka lengaba lishumi nakubili budzala; kute lakubhalwe khona kutsi wake waya esikolweni. Kodvwa benyukela eMkhosini weliPhasika, futsi ngesikhatsi ba...noma eMkhosini wePhentekhosti, njalo. Futsi benyukela emkhosini, Josefa naMariya, nalo lonkhe libandla kusuka entasi edolobheni. Benyukela eJerusalem. Futsi luhambo lwetinsuku letintsatfu, bacabanga kutsi Bekadvute akubantfu kanye naletinye tihlobo tengati lapho. Kodvwa baphutselwa nguYe. Bahamba babuka, futsi Bekangekho lapho. Babuyela emuva eJerusalem futsi baMtfola ethempelini, aphikisana nebaphristi, aphikisana nalawo indvodza.

¹²² Caphelani lapha, kungesiko kunilimata bantfu labangemakhatolika. Kodvwa nine lenitsatsa Mariya abe ngunkulunkulukati noma umncuseli, bukani lapha. Uniketa bufakazi, mbukisise alahla bufakazi bakhe lucobo. Watsi, “Babe wakho nami besiKufuna, ngetinyembeti.” Bukani kutsi wentani. Walahla bufakazi bakhe lucobo. Bekabita Josefa ngababe waKhe.

¹²³ Kodvwa bukisisani. Umfanyana nje, umfana lomncane nje, kodvwa Livi lihlala njalo licondzisa liphutsa. Watsi, “Anati yini kutsi kumele ngibesemsebentini waBabe waMi na?” Livi lona ngekushesha, niyabona, lalungisa lelophutsa.

¹²⁴ Watsi, “Babe wakho nami,” Josefa. Khona nje embikwalabobaphristi, lebesekavele akushito kutsi ukhuleliswe nguMoya loNgewe, futsi lapha bekafakazile futsi akhombe Josefa angubabe waKhe, alahla bufakazi bakhe lucobo.

¹²⁵ Kodvwa bukisisani Livi likubamba. BekaLivi. “Ekucaleni bekakhona Livi, naLivi bekakuNkulunkulu, naLivi bekanguNkulunkulu. Futsi Livi waba yinyama wakha emkhatsini wetfu.” Livi lakubamba, kulungisa siphosiso.

¹²⁶ “Anati yini kutsi Ngimele kutsi Ngibesemsebentini waBabe waMi na?” Kube Josefa bekangubabe waKhe, bekayoba sentasi esitolo sembati, ebhizinisini yakhe. Kodvwa umsebenti waBabe waKhe wawukulahla letotinhlangano netintfo, futsi Bekabalahlal enhla lapho, lapho A—lapho Bekawakhona. Bekane—nesikhatsi lapho, lapho bebangakhoni ngisho kucondza kutsi lomfana bekatokwati kanjani lokunjengaloko. Kodvwa BekaLivi. Akekho umuntfu lowake wakhulumu njengaYe. Loko Lakusho, Bekaneligunya lekukwenta kusebente.

Labobaprofethi benta, nabo, ngoba bebaphila e-aweni.

¹²⁷ Beka, Be—bekangibo bonkhe labaphrofethi bentive babaMunye, nangetulu kwaloko, ngoba Abekugcwaliseka kweLivi. Bekangilo lonkhe Livi. Baprofethi bekaLivi nje kulowomnyaka, kodvwa BekaLivi kuyo yonkhe iminyaka. BekanguNkulunkulu, covo lwaKhe, ehla futsi wabonakaliswa emtimbeni wenyama. “LiVi lentiwe inyama lakha emkhatsini wetfu.”

¹²⁸ Ake sibukisise kutsi Watikhomba kanjani Yena lucobo, Kucala kwaKhe, ngemuva kwekuphuma ehlane, asabhabhatisiwe ngaMoya loyiNgewe. Ubhabhatisiwe, naJohane... Nangu lomunye umcabango lomncane kute nikhone kuwubamba ngaphambi nje kwekutsi nicabange ngawo.

¹²⁹ Niyati yini kutsi liBhayibheli litsi, “Livi lita kumprofethi na”? Uma kunemprofethi eveni, Livi litofanele lite kuye.

¹³⁰ Bukani Johane, bekangumprofethi, lowekucala lebebanaye, niyabona, futsi bekaLivi mprofethi. Futsi aseme lapho, aprofetha, Livi lefika kuye emantini. Jesu bekaLivi, waphumela ngco emantini. Futsi Johane watsi, “Nginesidzingo sekubhatjatiswa nguWe. Uteleni kimi na?”

¹³¹ Futsi Watsi, “Vuma loko kutsi kubenjalo, ngoba kusifanele kutsi sigewalise kulunga konkhe.” Ngani na? Khona-ke Johane angumprofethi, futsi Yena aLivi, wati kutsi BekanguMhlatjelo, ngako uMhlatjelo ufanele ugezwe ngaphambi kwekutsi wetfulwe. Ngako wabhabhatisa Jesu, ageza Livi, ngaphambi kwekutsi Letfulwe, niyabona. Ngako wa bap... Watsi, “Kuvumele kutsi kubenjalo manje, ngoba kusifanele kugcwalisa kulunga konkhe.”

¹³² Khona-ke NASA Mvumele, Jesu wavele waphuma ekhatsi emantini. Futsi, bhekani, emazulu lavuleka, wase ubona uMoya waNkulunkulu, njengelituba, wehlela etikwaKhe. Futsi Waya ehlane, walingwa tinsuku letingemashumi lamane, wase uyaphuma.

¹³³ Asilandzele inkonzo yaKhe manje. SikuJohane loNgcwele 1. Ake sibukisise kutsi kwentekani, futsi sibone kutsi Bekayini ngalesosikhatsi, khona-ke singatfola kutsi Bekayini manje, ke. Mubukeni lemuva eminyakeni, manje, sesifike esikhatsini saJesu.

¹³⁴ Khona-ke sitovala, mhlawumbe sikutsatse kusasa ebusuku, lapho. Sinemizuzu lembalwa nje lesеле.

¹³⁵ Nangu Eta, aphuma ehlane. Intfo yekucala, kwakunendvodza ligama layo ngu—ngu-Andreya. Bekatokwetsamela umlayeto waJohane. Futsi Johane ucala kutsi...

¹³⁶ Johane bekati kutsi bekato—utoba ngumetfuli waMesiya, ngoba besavele ashito, niyati. Uyise—wakhe bekangumphristi, kodywa akazange alandzele uyise. Umsebenti wakhe wawubaluleke kakhulu kuya kunoma ngusiphi setikolwa tesayensi yetenkholo, ngako waya ehlane aneminyaka leyimfica budzala. Bekati kutsi bekafanele akhombe, bekafanele abone sibonakaliso lebesitofakaza kutsi kwakungubani lowo—lowoMesiya. Futsi bekakwati ngalokucinisekile impela, bekalwati lubito lwakhe, bekacineseke kakhulu ngako, wate bekeme emkhatsini wesicuku sebantfu labanjengalesi, watsi, “Usemkhatsini wenu ngco manje. Ukhona Lome emkhatsini wenu, Leningamati. Utobhabhatisa ngaMoya loNgcwele nangeMilo.” Watsi, “Angikafaneli ngisho nekutfukulula tictafulo taKhe.”

¹³⁷ Kwase-ke, intfo yekucala, Jesu waphuma ngco, futsi wasibona lesosibonakaliso. Watsi, “Ngibone sibonakaliso, futsi ngicinisekile kutsi lowo kwakunguYe.” Wase uyaMbhabhatisa. Manje ngesikhatsi Jesu...

¹³⁸ Futsi akungabateki kutsi Andreya bekamtjelile umnakabo. Manje, umnakabo abenguloluhlobo lo... Simoni, abenguloluhlobo lwalamadvodza lalukhunu langafuni kukholwa lutfu. Watsi, “Ngiyakukhumbula loko babe wami langitjela kona, watsi, ‘Ndvodzana,’ ngalelinye lilanga watsi, ‘uyati, sicedzile, futsi setsembe Nkulunkulu ku—kusinika tinhlanti, kutsi sibhadale tikweneti tetfu futsi sitfole lokutsite lesitokudla.’ Watsi, ‘Tikhatsi letinengi sidzingeke kutsi sikhuleke, le ngaphambi kwekutsi make afe nako konkhe, kusinika kubamba lokuhle kwenhlanti, kute sibe nekudla kwelusuku. Futsi bengahlala njalo ngibuka, njengoba bekungenta noma ngumuphi umHebheru lolungile, Mesiya lotako.’ Watsi, ‘Manje sengiyaguga, futsi ngicabanga kutsi ngeke

ngiMbome. Kodvwa ngifuna nine bafana nati, ngaphambi nje kwekutsi Avele enkhundleni, kuyoba khona tonkhe tinhlobo tetintfo temanga letivukako, niyabona, kodvwa ngifuna nati, sifanele setsembe Livi. Mosi umprofethi wetfu wasitjela, kutsi, "INkhosi Nkulunkulu iyovusa umprofethi." Manje asikake sibenemprofethi emakhulu nemakhulu eminyaka. Kodvwa ngesikhatsi Mesiya efika, Uyoba ngumprofethi lokhonjiwe. Manje, nitoMati, ngoba Uyoba ngumprofethi."

¹³⁹ Wase-ke lomfo uyashumayela, angenti lutfo lolunye ngaphandle kwekushumayela, Johane. Ngako yena, Simoni, bekangeke ahambele loko.

¹⁴⁰ Ngako wamtjela kutsi Lona lebekakhulumu ngaye bekasafikile, ngako loko kwaMkhomba njengemprofethi, niyabona, kutsi U...lokwakunako, kutsi kwenteka kanjani.

¹⁴¹ Ngako Andreya naSimoni behla ngalelinye lilanga, futsi bageza emanethi abo, base behlela kuyobona Jesu. Futsi ngesikhatsi kufika Simoni, agijimela etulu eBukhoneni baKhe, Jesu wambuka wase utsi, "Ligama lakho unguSimoni, futsi uyindvodzana yaJonase." Loko kwakwenta. Wati ngaso lesosikhatsi kutsi lelo kwakungulelolivi lelentiwe inyama. Niyabona, Wakwati.

¹⁴² Ngani na? EmaHebheru sahluko se 4, livesi le 12, lelatiwa kuto tonkhe tifundziswa letinkhulu, kutsi, "Livi laNkulunkulu likhalipha kunenkemba lesika ngetinhlangotsi totimbili, futsi lingumhloli wemicabango netifiso tenhlitiyo." Bangakhi bafundzi labakwatiko loko na? Kunjalo. EmaHebheru 4, kunjalo, 4:12.

¹⁴³ Manje, ngesikhatsi abona loko, bekatı kutsi Akati kuphela kutsi bekangubani, Bekamati lowobabe lomdzala lomesabako nkulunkulu wakhe, naye. Wati ngaso lesosikhatsi kutsi lowo kwakunguMesiya. Wanikwa tikhiya kuwo uMbuso, kamuva.

¹⁴⁴ Khona-ke kwakunemfo eme lapho, ligama lakhe nguFiliphu. Ngako bekanemfo lobekadadisha liBhayibheli naye, o, iminyaka leminengi, nalowo kwakungumfo lotsiwa nguNathanayeli. Bekahlala cishe emakhilomitha langemashumi lamabili nesihlanu, uma utolihlola emephini, lapho aya khona, agega ligcuma kuyotfolia Nathanayeli. Futsi ngesikhatsi amtfola... Abe-abengumlimi wengadze yetihlahla. Abekhulisa imincuma, futsi abesengadzeni yetihlahla, akhuleka. Futsi, kusobala, Nathanayeli, emva...noma Filiphu, ngiyacolisa. Filiphu, emvakwekubona Nathanayeli akhuleka, bekangumnumzane lohloniphekile, walindza waze wacedza kukhuleka. Yena, ngesikhatsi asukuma, watsi, "Awusho! Wota, ubone kutsi Ngubani lesimtfolile! Jesu waseNazaretha, indvodzana yaJosefa, lona ngu—lona nguloMesiya lesikhuluma ngaye."

¹⁴⁵ "O!" Bese-ke ulalela lomfo. Watsi, "Manje, kungabakhona yini lokuhle lokuvela esicukwini sebantfu labanjalo, kubo na?"

¹⁴⁶ Futsi ngicabanga kutsi wamnika imphendvulo lenhle kunato tonkhe noma ngubani lebekangayinika. Watsi, “Wota ubone.”

¹⁴⁷ Unga—ungahlali ekhaya futsi ugceke. Wota utitfolele wena. Wota neLivi lakho kanye nawe, futsi asilihlole futsi sitfole kutsi liyini. Niyati kutsi Livi litsini kutsi loMesiya utoba ngiko. Loko Lebekangiko itolo, Ungiko namuhla. Hlolani Livi, nitfole kutsi Uyini. Noma ngabe Uyinhlangano, noma ngabe Ulicembu lebantfu, uyini na? Niyabona na?

¹⁴⁸ Ngako siyatfola lapho kutsi bete bagega ligcuma, futsi akungabateki kutsi Filiphu wamcocela loko Lebekakushito. “Yebo-ke, lowomdwebi lomdzala lobekangakabi nemfundvo leyenele kusayina lesosigcebhezane, kungalesosikhatsi la atfola khona leyonhlanti, Wamtjela kutsi bekangubani futsi wamtjela kutsi babe wakhe bekangubani. Bekungeke kungimangalise uma Angasho kutsi ungubani, uma ufika lapho.”

“O, chubeka! Ngitodzingeka ngikubone,” washo.

¹⁴⁹ Wenyukela ngco eBukhoneni baKhe, mhlawumbe kanjena, lilayini lalabakhulekelwako, noma ngabe kwakukuphi. Jesu bekakhulekela labagulako. Futsi ngesikhatsi Jesu ambuka, kwekucala kutsi ake Ambone, Watsi, “Buka umIsrayeli lokungekho inkohliso kuye.”

¹⁵⁰ Watsi, “Rabi,” lokuchaza kutsi thishela, “wake Wangibona nini na? Lesi sikhatsi sekucala kutsi ngike ngikubone. Uke wangibona nini na?”

¹⁵¹ Watsi, “Ngaphambi kwekutsi Filiphu akubite, ngesikhatsi ungaphansi kwesihlahla, ngikubonile.” O, liso lini!

¹⁵² Bukan le—bukan lolokwenteka emvakwaloko. “Rabbi, Uyindvodzana yaNkulunkulu. UyiNkhosi ya-Israyeli.” Leyo ndvodza yayati....

¹⁵³ Bukan umehluko emkhatsini wakhe nalabobaphristi beme ngephandle lapho. Labobaphristi bebangakukholwa, futsi bayati kutsi kwenteka, ngako badzingeka banikete imphendvulo ebandleni labo. Ngako niyati kutsi batsini na? Batsi, “Uyati... . Ungumbhuli. UnguBhelzebule, develi. Ungudeveli.”

¹⁵⁴ Futsi Jesu watsi, “Ngitonitsetselela ngaloko,” kubuyisana kwakusengakentiwa, “kodvwa uma kufika uMoya loNgewe,” manje, “futsi wenta intfo lefanako, livi linye lelimelene naLo aliyuze litsetselelwe kulelive noma eveni lelitako.” Ngako niyabona kutsi bekungasiphonsa kuphi uma sibone intfo lefanako! Niyabona na?

¹⁵⁵ Manje sihamba sitsi kuchubeka kancanyana nje. Siyatfola, ke, kutsi kunetinhlobo letintsatfu kuphela tebantfu emhlabeni, tive letintsatfu. Siyakwati loko. Hamu, Shemi, nebantfu bakaJafethe; lelo liJuda, nemSamariya, neweTive. Manje, umSamariya uliJuda hhafu neweTive.

¹⁵⁶ Manje siyati kutsi emaJuda bekafuna Mesiya, bekanjalo nemaSamariya. Kodvwa tsine beTive sasiyi-Anglo-Saxon, sa—sasikhonta tithico, setfwele emaklabhu emihlane yetfu, futsi sasingemahedeni. Besingamfuni Messiah. Futsi kute Messiah lowakhonjiska kitsi, kanjalo, hhayi nangesibonakaliso saKhe. Sibone indvodza ihamba, kodvwa hhayi sibonakaliso sebuMesiya.

¹⁵⁷ Kodvwa kwakukhona iSamariya. Ngako Jesu, ngalesinye sikhatsi asendleleni yaKhe lebheke entasi eJerikho, wahamba wagega intsaba, “bekanesidzingo sekuya ngaseSamariya,” futsi Ufika edolobheni lelitswi yiSikhari. Kwakusikhatsi lesidze cishe ngesikhatsi sasemini, mhlawumbe indzawo intfo letsi ayifane naloku lapha. Futsi Wahamba waya emfuleni wase uhlala phansi, futsi—futsi watfumela bafundzi bakhe baye kotfola lokudliwako, kudla.

¹⁵⁸ Futsi basese lapho, wesifazane, wesifazane losemusha wendzawo, lotse kuba nekudvuma kabi, bekanemadvodza lamanengi kakhlulu, waphumela emtfonjeni. Kusobala, bekangeke ete nabo bonkhe labanye besifazane, ngoba, loko kuselisiko, bangeke bahlangane ndzawonye. Ngako waphuma waya kuyokukha emanti. Futsi nakatsi ucala kwehlisa le-loludziwo lwekukha emanti, ngalelibhakede entsanjeni, kukha lamanti, weva liphimbo leNdvodza litsi, “Sifazane, Nginatsise.” Wase uyacalata, futsi nalo ke liJuda. Futsi wa . . .

¹⁵⁹ Bekafanele kubukeka amdzadlana kuneminyaka yaKhe. Bekafanele kubukeka amdzadlana kunaloku aBengiko. Niyat, basho kuJohane loNgewe 6 lapho, kutsi, “Wena uyiNdvodza lengakendluli emashumini lasihlanu eminyaka budzala, futsi watsi Umbonile Abrahama na? Siyati manje kutsi Unelidimoni.” Watsi, “Angakabikhona Abrahama, Ngikhona.” Ngako, kodywa, U, umsebenti Wakhe—Wakhe wawumente wabukeka mhlawumbe sekamphunga kancane, noma lokutsite. Bekacishe abenemashumi lamatsatfu nakutsatfu kuphela, kodywa Bekabukeka amdzadlana.

¹⁶⁰ Watsi, “Wena utsi, Wena uliJuda, futsi ucela mine wesifazane waseSamariya? Sinekubandlululana. Akukho lutfo Wena . . . Singeke nje sikkwente loko. Ungeke, ufanele wente loko.”

¹⁶¹ Watsi, “Kodvwa kube bewati kutsi Ngubani lobewukhulumu naye, bewutocela kiMi emanti.”

¹⁶² Bekentani na? Achuba ingcogco. Babe bekaMtume enhla lapho, kodywa Bekane . . . Nangu wesifazane; leso kufanele kube sikhatsi. Ngako Watsi, Wakhuluma naye waze Wabamba umoya wakhe, wabona. Niyabona, Livi lihlola umcabango losenhliityweni, futsi BekaLivi. Bangakhi lokholwako kutsi BekaLivi na? Impela. Niyabona na? Futsi Livi lihlola imicabango enhliityweni. Niyabona na?

¹⁶³ Watsi, watfola kutsi yayiyini inkhatsato yakhe. Sonkhe siyati kutsi loko kwakuyini; emadvodza lamanengi kakhulu. Watsi, “Hamba ulandze indvodza yakho futsi nite lapha.”

Watsi, “Anginandvodza.”

¹⁶⁴ Watsi, “Ukhulume liciniso. Bewunala sihlanu, nalena lohlala nayo manje ayisiyo yakho.”

¹⁶⁵ Bukani lowo wesifazane lomcane. Niyabona, bekawile emicabangweni yaNkulunkulu. Bekangahlengwa. Bekasikhonti. Bekanalokummelele eZulwini. Wagucuka.

¹⁶⁶ Bukani umehluko emkhatsini waloyo nalabo bashumayeli, baphristi balo. Labobashumayeli, ngesikhatsi bakubona, batsi, “Yebo-ke, lomuntfu ungumbhuli.” Bebangalati Livi.

¹⁶⁷ Bukani kutsi watsini. “Siyati. Mnumzane, Ufanele kuba ngumprofethi. Asikake sibenaye munye emakhulu eminyaka. Futsi siyati, uma Mesiya efika, nguloko Latokwenta.” O, hhe!

¹⁶⁸ Bekanga—bekangafundzisa iBirmingham intfo letsite. Bekangafundzisa umhlabu wonkhe lokutsite. Yebo, mnumzane. Bekangafundzisa lamasemina esayensi yetenkholo intfo letsite. Niyabona na? “Nguye itolo, namuhla, naphakadze.” Bukani, si...

¹⁶⁹ “Mnumzane, ngiyabona kutsi ungumprofethi Wena.” Niyabona, Wafundza imicabango lowawusenhlityweni yakhe. Watsi, “Ufanele kuba ngumprofethi. Siyati, tsine maSamariya. Sibuke kona. Kuyofika Mesiya. Asikake sibenemprofethi iminyaka lengemakhulu lamane. Malakhi bekangumprofethi wetfu wekugcina, futsi watsi kuyobakhona umendvuleli. Sivile ngaye, indvodza entasi e—eJordani lapho, ‘Ngiyotfuma sitfunywa saMi embikwebuso baMi, kulungisa indlela.’ Ngivile ngako. Futsi sibuke Mesiya kutsi ete, masinyane nje.”

Watsi, “NginguYe lolokhuluma nawe.”

¹⁷⁰ Loko kwakucatulula. Washo ayongena edolobheni, watsi, “Wotani, nibone uMuntfu Longitjele tintfo lengitentile. Akusuye yini yena kanye loMesiya na?”

¹⁷¹ Bangani bami, asinaso sikhatsi sekuchubekela embili. Kodvwa uma lowo bekunguMesiya itolo, nguMesiya namuhla, ngoba Unguye itolo, namuhla. Wafa kute ente kubuyisana, kwenta letintfo leti tifezeke, kukunika ematfuba ekudvonsa kuloko Lakwentele kona. Manje, khumbulan, uma usoni, empeleni wasindziswa ngesikhatsi Jesu afa esiPhambanweni, kodvwa ufanele ukukholwe futsi ukwemukele njeneyakho lucobo, insindziso yakho siccu sakho. Futsi uma ugula, waphiliswa ngesikhatsi Jesu alinyatwa nganca yetiphambeko tetfu. Ngemivimba yaKhe waphiliswa wena.

¹⁷² Manje kube Bekeme lapha kusihlwa, afake lesudu lena Langipha yona, bekungeke kubekhona... Uma bewungatsi,

“Ngiphilise, Nkhosi,” Bekangeke akwente. Sewuvele ukwentile. Niyabona na?

¹⁷³ Kodywa manje uma-ke lomunye wenu atsi, “Jesu angaba seBirmingham, ke, kusihlwa na?” Yebo, mnumzane. Watsembisa Utawukwenta. “Utawuba lapha kanjani, esimeni lesikanjani na?” Moya loyiNgcwele, nguloko Langiko, longuye itolo, namuhla, naphakadze. Usesimeni saMoya loyiNgcwele.

¹⁷⁴ Manje ngifisa kwangatsi ngabe benginesikhatsi kujovela lomunye umcabango lapha, kodvwa mhlawumbe anginakukwenta. Ase, asengikutfole, masinyane nje. Nitokwenta, ningahlupheka nami imizuzu lembalwa na? [Libandla litsi, “Amen.”—Umhl.] Angifuni kunihlalisa kuze kwendlule sikhatsi kakhulu, futsi nishiyewe mabhasi enu.

¹⁷⁵ Jesu watsi, kuLukha loNgcwele sahluko se 16, noma sahluko se 17, “Njengoba kwakunjalo etinsukwini taLoti, kuyoba njalo ekubuyeni kweNdvodzana yemuntfu.” Ngabe Wakusho loko na?

¹⁷⁶ Manje caphelani kutsi kwakuyini. Abefundza leliBhayibheli lelifanako lebesilifundza, Genesi 22 noma 19, 20, khona ngalapho nje. Caphelani, Bekafundza liBhayibheli lelifanako. Bukisisani kuhleleka kwaLoti. O, kwakusive lesigcwele kona kanje pho lokwakungiso, indzawo legcwele sono lenje pho! Bukani kutsi sinjani namuhla.

¹⁷⁷ Bukani kutsi Watsini, “le—le—le—lesonako nalesiphingako; lesibi, situkulwane lesiphingako sifuna sibonakaliso. Futsi batositfola, sibonakaliso saJona avuswe kulabofile; noma kuvuswa kulofana nalofile, esiswini semkhoma tinsuku letintsatfu nebusuku. Indvodzana yemuntfu, sibonakaliso sekuvuka, lesitukulwane lesiphingako siyosemukela sibonakaliso sekuvuka.”

¹⁷⁸ Manje Jesu watsi, “Njengoba kwakunjalo etinsukwini taLoti.” Caphelani kuhleleka. Kwakukhona tiNgelosi letimbili entasi lapho emkhatsini webaseSodoma, tishumayela, titfunywa letimbili letinkhulu. Kwakukhona Munye lowahlala na-Abrahama.

¹⁷⁹ Nalabo labahamba nayo iSodomu khonalapho entasi, benta imilingo. Bentani na? Bashumayela liVangeli futsi babashaya ngebumphumphutse. Kushumayela kwabo lucobo kwenta bantfu babe yimphumphutse. Uma lowo kwakungesuye Billy Graham wesimanje, angikaze ngimbone munye. Asikaze sibe nesitfunywa namanje, kuyo yonkhe iminyaka, kutsi ligama lakhe like lagcina nga-h-a-m, ebandleni. Khumbulani, si—sibe naMoody, Sankey, Finney, Knox, Calvin, kanjalonjalo, Billy Sunday, kodvwa nhayi nga-h-a-m kute kube ngulesikhatsi; -h-a-m, “babe wetive.” Ikhona manje, niyabona, entasi lapho. Bukani kuhleleka kweSodomu.

¹⁸⁰ Futsi, khumbulani, kwakukhona iNdvodza leyahlala nabo etulu lapho, leyo Abrahama layibita nga-*Elohim*, Nkulunkulu.

Bukisisani kutsi yena, kutsi bekati kanjani kutsi Bekangu-Elohim. Watsi, “Abrahama, uphi umkakho, Sara?”

Watsi, “Usehendeni, emvakwaKho.”

¹⁸¹ Iminyaka lelikhulu budzala. Watsi, “Ngitokuvakashela, ngekwesetsembiso leNgikunika sona, ngesikhatsi sekuphila,” kuletinye tinsuku letingemashumi lamabili nesiphohlongo. Bekasolo afuna iminyaka lengemashumi lamabili nesihlanu, manje. Sara unemashumi layimfica futsi yena unelikhulu. “Ngitokuvakashela ngekwesikhatsi sekuphila.”

¹⁸² Futsi Sara watsi, “huh,” wangaphumiseli, ethendeni.

¹⁸³ Watsi, “Uhlekeleni Sara, kutsi ‘huh,’ ethendeni, emvakwaMi na?”

¹⁸⁴ Abrahama waMbita nga, “Elohim,” Nkulunkulu abonakaliswa enyameni yemuntfu. Adla li-linkhonyane, anatsa lubisi loluvela enkhomeni, futsi adla sinkhwa, emacebelengwane; naNkulunkulu wabonakaliswa enyameni yemuntfu.

¹⁸⁵ Jesu watsi, “Njengoba kwakunjalo etinsukwini taseSodoma, kuyoba njalo ekubuyeni kweNdvodzana yemuntfu,” lapho Nkulunkulu atophindza atibonakalise Yena lucobo enyameni yemuntfu.

¹⁸⁶ Futsi, khumbulani, leso kwakusibonakaliso sekugcina. Abrahama bekabone sibonakaliso emvakwesibonakaliso emvakwesibonakaliso. Kodvwa nangu Nkulunkulu lapha, lesikhatsi lesi, abonakaliswa enyameni, futsi bekakhona kusho kutsi Sara bekacabangani ngako, emvakwaKhe. Bebatu kutsi kwakuLivi, ngoba Livi lihlola imicabango losenhlitiyweni. Niyabona na? Niyakutfola na? Phakamisani tandla tenu uma nikufola. Kulungile. Niyabona na? Manje, leso kwakusibonakaliso sekugcina.

¹⁸⁷ Manje, khumbulani, Abrahama nelicembu lakhe lalingekho eSodoma. Bebangephandle kwaseSodoma, hhayi ngephandle lapho kulelolive lebuhlelo; ngephandle kwalapho, ngephandle lapho. Niyabona kutsi nguluphi lumphawu labanalo, imilayeto lemikhulu yetihlakaniphi na? Kodvwa bukisisani kutsi sibonakaliso sini liBandla lelikhetsiwe lelasitfola, Abrahama. G-r-a-h-a-m-u utinhlavu temagama letisitfupha, umhlaba, inombolo yemuntfu. Umuntfu wadalwa ngelilanga lesitfupha; usitfupha. Kodvwa A-b-r-a-h-a-m-u utinhlavu temagama lasikhombisa, niyabona, liBandla lelikhetsiwe litimele. Caphelani, banalesosibonakaliso, Nkulunkulu abonakaliswa enyameni.

¹⁸⁸ Futsi Jesu watsi, manje bukisisani, Lukha sahluko se 17, e...“Kuyoba njalo, njengoba kwenteka emihleni yaseSodoma, kuyoba njalo ekubuyeni kweNdvodzana yemuntfu, lapho iNdvodzana yemuntfu yembulwa.” Futsi, khumbulani,

ngesikhatsi iNdvodzana yemuntpu, ngalolu tinsuku tekugcina, ibonakaliswa kubantfu baYo, ngaYe lucobo asebenta emkhatsini webantfu. Johane, njengoba kwakunjalo nga 14:12, watsi, "Lemisebenti lengiyentako Mine naye uyoyenta."

¹⁸⁹ Futsi setsenjiswa loko, kubuyisela. Lonkhe liphimbo linemlayeto emvakwalo. Futsi uMlayeto wawukutsi, "Buyisela kukholwa kubuyele ekuKholweni kwasekucaleni." Malakhi we 4, "Buyisela emuva kuKhola e...kwabobabe, kubantfu." Baphambukele kuto tonkhe tinhlobo tayo yonkhe intfo, kodvwa, "Buyisela emuva, futsi, loko kuKhola." UMLayeto waleli-awa, utsi, "Buyela emuva eVini!" Nkulunkulu, i...

¹⁹⁰ Khumbulani, sibuke iNdvodzana letsenjisiwe. Futsi siyiNtalo ya-Abrahama. Ngabe kunjalo na? INTalo yasebuKhosini, ngaKhristu! Futsi bebabheke indvodzana letsenjisiwe, Isaka. NeNtalo yasebukhosini, namuhla, sifuna sibonakaliso lesesenjisiwe. Ngabe kunjalo na? INdvodzana yaNkulunkulu letsenjisiwe, kutsi ibuye. Futsi i...

¹⁹¹ Bebakadze banato tonkhe tinhlobo temilayeto, nato tonkhe tinhlobo tetintfo Abrahama lebekatibonile. Kodvwa ngaphambi nje kwendvodzana letsenjisiwe, sibonakaliso sekugcina ngaphambi kwekutsi umhlaba webeTive ubhujiswe, kwakunguloku: Nkulunkulu abonakaliswe enyameni, lobekati timfihlo tenhlitiyo.

¹⁹² Manje leso sibonakaliso sekugcina libandla neliBandla lakamoya lelisitfolako. Leso sibonakaliso sekugcina libandla lemvelo lelisitfolako. Neline lebeTive liyobhujiswa, futsi selikulungele khona manje.

¹⁹³ Umhlaba utamatama yonke indzawo, ngekutamatama kwemhlaba. Ngani na? Kwekucala kutsi kutamatama kwemhlaba kuke kutamatamise umhlaba wonkhe, kwakunguleSihlanu waGudi. Kwekugcina lapho watamatama khona, kwakungulomunye leSihlanu waGudi. Wawutamatamelani na? Ngoba bebale Mesiya wabo. Bewutamatamelani futsi na? Bebente intfo lefanako. Niyabona na?

¹⁹⁴ Umnyaka weliBandla iLawodisiya. Noma ngusiphi sifundziswa siyati kutsi BekangePhandle, anconcotsa, etama... "Bhekani, Ngime emnyango ngiyancconcotsa." [Umnaketfu Branham unconcotse epulpiti—Umhl.] Umnyaka welibandla kuphela lowake waMkhiphela ngephandle ngalokuphelele. Futsi uMkhandlu weNkholo, nguloko kanye nje lokwentile, kubumba lumphawu lwesilo, nekungenisa lapho. Yebo-ke, kuyini... Bangahambisana kanjani lababili ngaphandle uma bavumelene na? Futsi ngekwenta loko, balalile Livi futsi; Lingephandle. Angeke sitfole ngisho lubanjiswano, nomakuphi. Loko kunjalo impela.

¹⁹⁵ O Nkulunkulu, bani nesihawu! “Jesu Khristu longuye itolo, namuhla, naphakadze.”

Asikhotsamise tinhloko tetfu.

¹⁹⁶ Nkhosi Nkulunkulu, Utikhomba Wena lucobo, kuyo yonkhe iminyaka, Nkulunkulu. WawunguNkulunkulu esikhatsini sasendvulo Lowakhulumu kubobabe ngebabprofethi, kulolu tinsuku tekugcina ngeNdvodzana yaKho, Jesu Khristu; Lesimtsandzako nalesimkholwako, futsi siyati kutsi Unguye itolo, namuhla, naphakadze, njengoba Atsembisile.

¹⁹⁷ Manje, Babe, sicuku lesimangalisa kanje pho, kukholwa lokuhle. Kulula kukhuluma nabo. Kodvwa, O Nkhosi, kwangatsi loko kukholwa kungakhuphuka nje manje, kungene kulesinye siyingiliti manje, kuphumele ngco ngaphandle kwekucabanga kwemuntfu. Bakuvile loku. Bafundziswe loko bafundisi babo. Bona, bakufunile, iminyaka neminyaka, kutsi kute. Futsi manje siyakhuleka, Babe, kutsi Utosatisa kona, kusihlwa, kutsi Awukafi, kodvwa Uphila kute kube phakadze; futsi uphila emkhatsini webantfu baKho, njengeMnduze esigodzini, kutotonkhe letimbali, lembali yayiyinhle kwengcwa letitinkhulungwane letilishumi.

¹⁹⁸ Manje siyakhuleka, O Mnduze weSigodzi, kutsi Utota kitsi, kusihlwa. Tente watiwe emkhatsini wetfu, kutikhomba Wena lucobo kulomnyaka. Ngoba kwetsenjisiwe, ngisandza kubatjela Livi nje, kutsi etinsukwini tekugcina, njenge Sodoma neGomora, kanjalo neNdvodzana yemuntfu iyotembula Yona lucobo njengoba Yenta eSodoma naseGomora; ngaphambi kwekutsi iNdvodzana letsenjisiwe ifike kulabakhetsiwe, nembubbiso yefika ekwaliweni. Ngako ngiyakhuleka, Babe, kutsi batokuondza loku. Futsi kwangatsi Ungeta futsi ugcine Livi laKho, lengatiko kutsi Utoligcina. EGameni laJesu. Amen.

¹⁹⁹ Manje, ngiyakholwa kutsi Billy utsite ukhiphe emakhadi latsite. Ngabe kunjalo na? Phakamisani tandla tenu uma akhona emakhadi lakhishiwe. Yini luhlavu lolubhalwe kuwo na? [Lomunye utsi, “B.”—Umhl.] B. Kulungile, B. Ake sisheshise manje...

²⁰⁰ Ngitoncela intfo yinye, uma nje nitohlala nithule impela manje. Ningayaluki. Nisiphe nje imizuzu lelishumi. Nitokwenta loko na? Imizuzu lelishumi nje, uma wonkhe umuntfu atohlala athule ngalokuphelele nje imizuzu lelishumi. Ningayaluki. Kulungile.

²⁰¹ Asicale kunombolo yekucala. Ngubani lona-B, inombolo yekucala na? Khona masinyane nje, phakamisani tandla tenu. Uma ungakhoni...

²⁰² Lendvodza yayihamba eluhlakeni lwembhedze, niyabona kutsi inombolo yelikhadi layo lekukhulekelwa litsini, uma i. Niyabona, unalo likhadi lekukhulekelwa na? Wena, awunalo linye? Kulungile. [Lomunye utsi, “Wesine.”—Umhl.] Kulungile.

²⁰³ Wekucala, ngabe ngikugejile na? [Lomunye utsi, “Lapha.”—Umhl.] Noma mhlawumbe sitocala kulenye indzawo letsite, ke. Kulungile. [Lomunye utsi, “Khona lapha.”] O, ngiyacolisa. Kulungile. Nombolo yekucala, imbolo yesibili, inombolo yesitsatfu. Wesibili, phakamisa, ngoba... Sukuma uma, wena, ngibita inombolo yakho. Lesibili, lekucala, lesibili, lesitsatfu, lesine. [Lomunye utsi, “Khona lapha.”] Lesine.

²⁰⁴ Lesihlanu. Bukani emakhadi enu manje. Lesihlanu. Wotani lapha bese nenta lilayini lelincane. Lesihlanu. Lesitfupha, lesitfupha. Lesikhombisa, lesikhombisa. Uma ungakhoni kusukuma manje, akube nalokuphakamisa sandla sakho, sitabasukumisa. Kuhle-ke, lesikhombisa. lesiphohlongo, lesiphohlongo, lesiphohlongo. Lesikhombisa, lesiphohlongo. Manje nje si... Sesigijima impela secelwe sikhatsi manje.

²⁰⁵ Kulungile, loko kulungile, myekele ahiale lapho site silungele kumbita, futsi nje umfake khona lapho elayinini lapho awakhona-ke. Kulungile.

²⁰⁶ Lemfica, lemifica. Lelishumi, lelishumi. Lelishumi nakunye, lelishumi nakunye. Manini lapho, ke. Kuhle-ke.

²⁰⁷ Bangakhi lapha longenalo likhadi lekukhulekelwa, futsi uyagula na? Phakamisani tandla tenu. Yebo-ke, phakamisani tandla tenu. Bangakhi lapha longangati, phakamisa sandla sakho; lowatiko kutsi angati lutfo ngawe, phakamisa sandla sakho. Kulungile. Manje buka ngalapha futsi ukholwe manje. Ngi... Wonkhe umuntfu akahloniphe ngekutifoba impela.

²⁰⁸ Manje khumbulani nje, livi linye lelivela kuYe liyosho lokukhulu kunalebengingakukhulum esikhatsini sekuphila lokulikhulu. Niyabona, bengingashumayela Loku. Bangakhi lokholwako kutsi *Lelo* liCiniso na? Kulungile. Manje, uma KuliCiniso, Nkulunkulu ubophelelekile. Uma lelo kuLivi laKhe, leso setsembiso saKhe, Ubophelelekile kutsi akwente. Ubophelelekile kucinisekisa Livi laKhe. Ngabe kunjalo na? Futsi uma Akwenta, nitokukholwa na? Niyakukholwa.

²⁰⁹ Manje wena ungatsi, “Jesu? Angicalati futsi ngiMbome nomakuphi.”

²¹⁰ Bukani, kube-ke lomunye umuntfu bekahambe wangena lapha netibati tetipikili etandleni takhe, ne—netintfo ebusweni bakhe bonkhe, nengati, kanjalonjalo na? Noma ngumuphi umzenzisi bekangakwenta loko. Futsi, khumbulani, Jesu angeke ete kanjalo. Uma Efika kanjalo, sikhatsi asisayubakhona. Asisayubakhona sikhatsi, uma Efika kanjalo.

²¹¹ Kodywa kungani nati kutsi kwakunguYe ngalesosikhatsi uma Efika na? Ngoba Bekatotikhomba Yena lucobo ngaMoya waKhe—waKhe, sibonakaliso saKhe, kuPhila kwaKhe kuwe. “Mine ningumVini, nine ningemagala.” Manje khumbulani nje futsi nikukholwa loko ngayo yonkhe inhlitiyo yenu manje.

²¹² Manje, lelilayini lenu lalabakhulekelwako, bonkhe labo lapho na? A—angati, labasiphohlongo noma lishumi. Kulungile, loko kulungile. Wota lapha. Kusasa ebusuku sitotama kutsatsa lamanengi. Wonkhe umuntfu akahloniphe ngekutitfoba sibili. Manje bavumele bete, ngamunye ngamunye, lapho baseta.

²¹³ Manje, losekucaleni, Ngifuna bonkhe labakulelilayini lekukhulekelwa, labo labatiko kutsi aNginati, lilayini lelincane lalabakhulekelwako lapha, lowatiko kutsi angikwati, phakamisani tandla tenu; ngati kutsi angati lutfo ngani, angati lutfo lwako, ngingati nekutsi yini lengalungi ngani, angati lutfo. Kulungile.

²¹⁴ Manje, nihloniphe sibili, manje khumbulani nje lapho sime khona. Livi selifundziwe.

²¹⁵ Manje, khumbulani, ngingeke sengiphilise muntfu; akekho lomunye umuntfu longaphilisa namunye. Kodvwa kukholwa kwakho, kulangiko Khristu, nguloko lokwenta kuphilisa. Manje uma Atawenta Yena lucobo atiwe lapha njengaloku Entile, atikhomba Yena ngalendlela njengoba Entile kulamanye emalanga, bewungaMati ngaloko na? Nguleyondlela kuphela Latsi Bekatotikhomba ngayo Yena lucobo. Nguleyondlela kuphela Lake watikhomba ngayo Yena lucobo. Futsi Unguye itolo, namuhla, naphakadze.

²¹⁶ Ngako manje nangu wesifazane, njengaJohane loNgewe 4 nje. Jesu wahlangana newesifazane emtfonjeni; sandza kutsatsisela kuye nje emizuzwini lembalwa leyendlulile. Nangu wesilisa newesifazane. Angikaze ngimbone lowesifazane. Uvele nje waphakamisa sandla sakhe, kutsi, angitange sengimbone futsi akazange sekangibone, ngako sitihambi ngalokuphelele. Unelikhadi lekukhulekelwa nje, nenombolo yakhe yentekile kutsi ibitwe.

Ngabe u...? [Lodzadze utsi, “Cha, wangikhulekela e-Hamond, e-Indiana. Bengicondze, kutsi, awati lutfo ngalokucondzene nemphilo yami, noko.”—Umhl.]

²¹⁷ Utsite, ngalesinye sikhatsi e-Hammond, e-Indiana ngamkhulekela, kodvwa, watsi, nganca yemphilo lecondzene naye, angati lutfo ngaye, angati lutfo. Angati kutsi ute ngani lapha, noma lutfo. Yebo, kunemakhulu ebantfu lapha elayinini lalabakhulekelwako, lokungenteka ngibenabo emihlanganweni, nakanjalonjalo, kanjalo.

²¹⁸ Kodvwa ngicondze, kutsi, ngiyati angi...Nkulunkulu eZulwini uyati, leliBhayibheli ngetulu kwenhlitiyo yami, angitange ngikukhumbule loko, lomunye akudze kanjalo, lomunye umuntfu lokhulekelwe mhlayimbe eminyakeni lendlulile. EHammond, e-Indiana, loko kwakusikhatsi lesidze lesendlulile, eminyakeni leminengi leyendlulile ngesikhatsi ngiseHammond, e-Indiana, lesiphohlongo noma iminyaka lelishumi leyendlulile. Ngako manje nje...

²¹⁹ Manje uma iNkhosi Jesu itokwembula kimi kutsi uteleni lapha manje, loko kutokwenta Johane loNgcwele 4 abe nguye impela. Noma yini lebeyisekhatsi enhlitiyweni yakho, khonake Livi lihlola umcabango losenhltiyweni, njengoba Jesu enta kulowesifazane emtfonjeni. Ungakukholwa loko kutsi kuliciniso ke? [Lodzadze utsi, "Yebo."—Umhl.] Bewungakholwa na?

²²⁰ Tetsameli betiyokukholwa kutsi kuliciniso na?

²²¹ Manje nasi sandla sami eBhayibhelini, kutsi angimkhumbuli lowesifazane, bengingeke ngati. Futsi uphakamise sandla sakhe, naye, bengingeke ngati kutsi bekakhonela ini lapha. Watsi wangibona e-Hammond, e-Indiana, loko kungaba... Nine-nine, nonkhe, kungenteka nike naya lapho, kukokonkhe lengikwatiko. bengingeke ngati, emhlanganwени nje.

²²² Kodvwa manje kwangatsi iNkhosi Jesu ingapha loku, uma Itokwenta. Angisho kutsi Itokwenta.

²²³ Manje ngitsatsa wonkhe umoya longaphansi kwalapha, ngaphansi kwekulawula kwami, eGameni laJesu Khristu. Manje banini nenhlonipho yekutitfoba sibili.

²²⁴ Uma ungesilo likholwa, bengingeke ngikweluleke kutsi uhlale kulesakhiwo, ngoba tifo tiya kulomunye nalomunye. Siyakwati loko. Kanjalo nekuhlushwa. Labaningi bake babasemihlanganweni ngaphambilini futsi bakubona loko kwenteka.

²²⁵ Manje ngifuna kukhuluma nani njengoba iNkhosi yetfu yenta lowo wesifazane. Manje, niyabona, nime lapho, nidzingile. Futsi, wena, mhlawumbe ungumKhristu. Angikwati kutsi ungyue. Utongitjela uma unjalo. Futsi, ke, ngingumKhristu. Manje babili, ndzawonye, wesilisa newesifazane. Futsi, ke, uMoya waNkulunkulu lapha lonesiphwi, kunenta nati kutsi nikhuluma ngani naYe, kutsi nitsini. Kungaba setimalini. Kungaba sekhaya. Angati lutfo ngako. Kodvwa noma ngabe kuyini, nitokwati kutsi kuliciniso yini, noma cha, uma Akwembula.

²²⁶ Simila. Uma loko kunjalo, phakamisa sandla sakho. Manje uyakholwa na? Manje bukisisani. Ufunu ngikutjеле kutsi lesimila sikuphi na? Sisemphinjeni wakho. Uma loko kunjalo, jikitisa sandla sakho *kanjena*. Manje uyakholwa na? [Lodzadze utsi, "Yebo, mnumzane."—Umhl.] Kulungile. Chubeka ngendlela yakho, nje ubonga iNkhosi, kutsi u—uyakukholwa loko.

²²⁷ Wota. Sitihambi lomunye kulomunye, ngiyacabanga, dzadze. [Lodzadze utsi, "Yebo."—Umhl.] Asatani, kodvwa Nkulunkulu usati sobabili. Uyakholwa kutsi Nkulunkulu angangembulela inkhatsato yakho na? Kungakusita na? ["Yebo."] Ngoba ufanele ukholwe na?

Hloniphani ngekutitfoba sibili, nihloniphe ngekutitfoba impela.

²²⁸ Manje, khumbulani, kwakukhona wesifazane ngalesinye sikhatsi lobekangalitfoli likhadi lekukhulekelwa, sitosho njalo. Wendlula e...watsintsa umphetfo wengubo yaKhe. Futsi ngesikhatsi enta, Jesu wagucuka wase utsi, “Ngubani loNgitsintsile na?” Ngabe kunjalo na?

²²⁹ Bekenenkinga yekopha. Watsi, enhlitiyweni yakhe, “Uma ngingake ngitsintse leya Ndvodza, ngingentiwa ngelulame.” Wase uyaMtsintsa. Futsi wa...

Watsi, “Ngubani loNgitsintsile na?”

²³⁰ Futsi, ngani, ngisho naPhetro waMekhuta, watsi, “Loko bekuyovakala kwangatsi Ugula ngengcondvo noma lokutsite.” Watsi, “Hhe! Ngani, wonkhe umuntfu uyaKutsintsa.”

²³¹ Watsi, “Ya, kodvwa ngiphelelwe ngemandla. Ngiyeva kutsi emandla aphumile kiMi.” Wagucuka wase ubuka ngale etetsamelini waze Wamtfola lowo wesifazane. Futsi Wamtfela kutsi inkinga yemopho wakhe yayiyini, kutsi waphilisiwe. Niyakukhumbula loko na?

²³² Manje liBhayibheli latsi, “Namuhla,” akutsi bashumayeli basiphendvulele loku, “kutsi UngumPhristi loMkhulu khona manje lonekuvelana nebutaksaka betfu.” Ngabe kunjalo na?

²³³ Vele nje utsatse lokuvela kuYe. Utsi, “Nkhosi Nkulunkulu, lowomshumayeli akangati. Futsi angitsintse sembatfo saKho. Ungakhulumu ngaye na?” Uma Anguye itolo naphakadze, Utotiphatsa ngendlela lefanako. Usenyameni yemuntfu manje, asebenta, ahlenga bantfu baKhe.

²³⁴ Manje khulekani nje manje, kholwani ngayo yonkhe inhlitiyo yenu. Ningangabati. Ningangabati ngisho nayinye intfo. Kholwani tonkhe tintfo. Kholwa nje ngayo yonkhe intfo lengekhatsi kini. Kholwani.

²³⁵ Manje ngifuna nje ku—nje kuchumana nemoya wakho, dzadze, kutsi ngikhulume nawe nje. Uyakholwa kutsi letintfo leti tiliciniso na? Uyakholwa kutsi iNkhosi Jesu ingembula kimi kutsi uteleni lapha na? Nawe unesimila. Kunjalo. Uyakholwa kutsi Angangembulela lapho sikhona khona na? Sisemadlaleni ebisifazane. Futsi sisedlaleni lelibucayi kabi, sisesibeletfweni. Kunjalo. Kulungile. Kholwa manje, hamba, ngenhlitiyo yakho yonkhe bani nekukholwa.

²³⁶ Manje nayi indvodza. Indvodza yake yefika eNkhosini Jesu, neligama layo kwakunguSimoni, manje, futsi yayibitwa ngaPhetro; Jesu wamtjela kutsi bekangubani nekutsi uvelaphi, noma kutsiwani ngako. Manje uma iNkhosi Jesu ingembula kimi kutsi uteleni lapha, utokukholwa loko na? Niyati kwakuyofanele kube liciniso, uma—uma wati kutsi kuliciniso noma akusilo. Kodvwa, wena, uyangikholwa kutsi ngiyinceku yaKhe. [Lomnaketfu utsi, “Kunjalo. Ngiyakwati.”—Umhl.]

Uyati. Ngiyabonga, mnumzane. Ngiyabonga. Kwangatsi iNkhosi inganisita manje kutsi nikholwe loko ngenhlitiyo yenu yonkhe.

²³⁷ Ngunayi intfo lencane lapha, Ngifuna kuyisonga nje kahle. [Umnaketfu Branham ulungisa umbhobho—Umhl.]

²³⁸ Manje nisabuka ngalapha futsi. Yebo, mnumzane. Kufuna ngabe ubhekene nekuhlindvwa kwalokudzabukile. Kunjalo. Futsi, yi-herniya, une-herniya. Uyakholwa kutsi ngingakutjela kutsi ungubani na? Uyakholwa na? Ungumfundisi, ungu—ungumshumayeli, ngoba ngiyakubona epulpiti. Futsi ligama lakho ngu-Wallace. Kholwa ngayo yonkhe inhlitiyo yakho. Nkulunkulu akubusise. [Lomnaketfu utsi, “Loko yiminyaka lengemashumi lamabili leyendlula, ePensacola.”—Umhl.] Yebo-ke, hhe, hhe! Kulungile. Bani nekukholwa manje. Ungangabati. Bani nekukholwa nje. Kholwa manje.

²³⁹ Manje sitihambi lomunye kulomunye. Nkulunkulu usati sobabili. Uyakholwa kutsi iNkhosi Nkulunkulu ingangitjela lokutsite ngawe, loko lokutele lapha, noma lokutsite na? Ngitsi nje kujaka, ngoba bantfu ba—baminyetelene, niyati. Ku... Uyakholwa kutsi Angangembulela lokutsite lokungalungi ngawe na? [Lodzadze utsi, “Yebo, mnumzane.”—Umhl.] Uyakholwa. Futsi uyawati lomuzwa lokushayile, khona manje nje, neke kube kutsi uchamuka kimi. Lowo nguYe. Kukwenta utivele uphatseke sibili, njengebumnandzi, kutfobeka. Futsi, Loko, nike nasibona sitfombe saloko kuKhanya na? [“Yebo.”] Ngani, Kunguloko impela lokutungelete khona manje.

²⁴⁰ Manje lodzadze ubuyela emuva esuka kimi. Uyagula. Ngiyambona, utsi nje kukhubateka. Futsi unesifo sekucacamba kwematsambo, loko kuto...Kunjalo. Uma loko kunjalo, phakamisa sandla sakho. Kunjalo. Khona-ke nawe futsi unenkhatsato yelidlala lelibilo. Uphetfwe lidlala lelibilo. Liciniso lelo. Futsi-ke unetinkinga tenhlitiyo, kucinana kwenhlitiyo yakho. Loko kuliciniso, futsi. Awusuye walapha. Uvela kulolunye luhlobo lwelive lapho kunencumbi ye... Ukhweshe khashane le. Uvela ePennsylvania. Kunjalo, wehlele lapha. Manje hamb'ekhaya futsi welulame. Jesu Khristu uyakuphilisa, uyakwelulamisa.

Wota. Banini nekukholwa manje. Ningangabati.

²⁴¹ Manje ninga, ninganyakati, ngiyacela ningakwenti. Kancanyana nje manje, sito...uma nitonginika lomunye futsi. Nginikeni lomunye lophatsekile futsi sitawubese siyema, uma nje nitongiyumela ngibe nalolophatsekile. Ninganyakati, ngiyacela ningakwenti. Ngiyati kutsi niginibambe sikhatsi lesidze impela. Kodvwa, niyabona, ungmoya, futsi nje ngichumene nalowo wenu manje. Niyabona na? Manje banini nekukholwa.

²⁴² Ngi—ngisihambi kuwe. Angikwati. Khristu uyakwati.

²⁴³ Kunendvodza lesolo ita. O, ngulena, i—indvodza lenenhloko lemphunga ihleti lapha, iphetfwe yinkhatsato ngemadvolo ayo. Uyakholwa kutsi Nkulunkulu utokwelulamisa, mnumzane, futsi akuphilise, ngaleyo nkhatsto yelidvolo na? Futsi uyakholwa kutsi Utokusindzisa na? Lendvodza ngemuva ngco kwe—kwesitulo semasondvo lapho, uma utokholwa ngako konkhe... Uphetfwe yinkhatsato yelidvolo. Phakamisa sandla sakho. Kulungile. Utsintse Intfo letsite, awukayitsintsi na? Utsintse Yena. Uh-huh. Kunjalo.

²⁴⁴ Awusho, empeleni, lodzadze lohleti lapho eceleni kwakho, umkakho. Uyangikholwa, dzadze na? Kuze bati kutsi kuvela kuNkulunkulu. Uyangikholwa kutsi ngingumprofethi waKhe na? Uyangikholwa na? (Loko kuphindzeka kwemsindvo kuloko...) [Lemishina ye PA inemsindvo lewawatako—Umhl.] Uphetfwe ngumfutfo wengati. Kunjalo, phakamisa sandla sakho. Kulungile, beka tandla takho etikwakhe, futsi, ngoba akaze akutfole kahle kakhu. Futsi-ke uyakholwa ngenhlitiyo yakho yonkhe, futsi nobabili nelulame.

Batsintseni na?

²⁴⁵ Lapha, dzadze usandza kukubamba nje loko ngalesosikhatsi. Uhleti emuva ngco lapha, ukhotsamise inhloko yakhe, akhuleka. Ukhulekela iNkholosi kutsi imphilise. Loko langiko... Uyagula, uhleti khona lapho ekugcineni kwalomugca lapho. Unesisu lesidzabukile lalakhuleka ngaso. Futsi uyakholwa kutsi Nkulunkulu utokuphilisa, dzadze na? Phakamisa sandla sakho. Lomcane, wesifazane lonenhloko lemnyama lofake tibuko, lobekakhulekela kutsi Nkulunkulu amphilise.

²⁴⁶ Angimati, angikaze ngimbone emphilweni yami. Nkulunkulu uyakwati loko. Uma ngisihambi kuwe, jikitisa sandla sakho, dzadze. Kunjalo, angati lutfo ngawe. Yebo-ke, manje, uyati kutsi loko kuliciniso, akunjalo na? Kulungile, Jesu Khristu uyakuphilisa, uma utokukholwa.

²⁴⁷ Asitsi, uhleti ngemuva kwakhe nje, loya dzadze lohleti lapha, uhleti emvakwakhe lapha, uyakhuleka, futsi. Landzela loko kuKhanya nje. Yebo. Anikuboni loko kuKhanya kulenga khona lapho na? Niyabona na? Niyabona na? Manje, bukani. Lodzadze uke wahlindwva, kodvwva loko lakufuna ngempela kutsi Khristu asuse timila emkhonweni wakhe. Uyakholwa manje kutsi Utokwenta na? Ra... Yebo, phakamisa sandla sakho. Kulungile. Uma ukukholwa, ungaba nako. Bani nekukholwa nje, futsi ungangabati. Kholwa. Ngi...

²⁴⁸ Cha, yindvodza lamabili lehlukene. Bengicabanga, kutsi lendvodza; ngulendvodza *lena* lehleti lapha. Uyakholwa, mnumzane, lohleti khona *lapha* na? Uyakholwa ngenhlitiyo yakho yonkhe na? Uyakholwa kutsi Nkulunkulu utokuphilisa kuleyonkhatsato yelidlala lebesilisa, akwelulamise na?

Unenkinga yelidlala lebesilisa. Jikitisa sandla sakho, uma loko kunjalo. Kunjalo. Kukholwa kwakho kuyakusindzisa, mnumzane. Jesu Khristu ukuphilisile. Angikaze ngiyibone lendvodza emphilweni yami.

²⁴⁹ Aniboni kutsi Ulapha na? AniMkholwa na? Aniboni yini kutsi loyo nguYe na?

²⁵⁰ Manje awume umzuzu nje. I...O, ya. Angikhholwa kutsi Akakutjeli lutfo ngawe lucobo, ngabe Ukwentile na? Uyakhholwa kutsi Angakwenta na? Uyakhholwa kutsi ngingakwenta, ngemusa waKhe nemandla na? Ngabe kutoba setsembiso saKhe na? Uphetfwe yintfo lengalungi ngentsamo yakho. Uke wawa, futsi nguloko lokukwentile. Kunjalo. Buyela emuva manje, utolulama. Jesu Khristu uyakwelulamisa.

²⁵¹ Uyakhholwa, wonkhe umuntfu uyakhholwa manje ngenhlitiyo yakho yonkhe na? Manje mangakhi emakholwa lelikhona lapha na? Phakamisa sandla sakho. Kuso sonkhe lesakhiwo, etulu. Kulungile, uyakhholwa. Manje masinyane nje... Impela sesi, sesidvute nekwengca ngetulu kwehhafu yeli-awa yesikhatsi lesengetiwe. Yentani loku manje. Jesu watsi...

²⁵² Niyakhholwa kutsi Unguye itolo, namuhla, naphakadze na? Niyakhholwa kutsi Wetsembisa kwenta loku kulolusuku na? Niyakhholwa kutsi leso sibonakaliso sekugcina sekutsi lelibandla litobona manje ngaphambi kwekubonakala kwekubuya kweNkhosi na? Niyakhholwa kutsi sisekupheleni ngco, yonkhe imiBhalo igcwalisekile, seyilungele kubuya kweNdvodzana na?

²⁵³ Manje Jesu watsi, "Letibonakaliso leti tiyobalandzela labakhholwako." Manje beka sandla sakho etikwalomuny'umuntfu eceleni kwakho ngco. Manje, ulikhholwa. "Letibonakaliso leti tiyobalandzela labakhholwako." Manje uma agcina Livi laKhe, kwenta loko, Utaligcina Livi laKhe kukwenta loko, futsi. Manje khulekela loyo loseceleni kwakho. Bayakukhulekela. Uyabona na? Ungatikhulekeli wena. Khulekela loyo muntfu; naye uyakukhulekela.

Manje sonkhe asikhotsamise tinhloko tefu sisakhuleka.

²⁵⁴ Babe loseZulwini, siyabonga kubona Mesiya lovukile. Iminyaka lengemakhulu lalishumi nemfica yato tonkhe tinhlobo tesayensi yetenkholo neminyakato, kodywa noma kunjalo, ebumnyameni bako konkhe kwako, Wetsembisa kutsi Uyobonakala lapha etinsukwini tekugcina, kulolusuku lwaseSodoma, futsi Uyatenta watiwe Wena lucobo kubantfwana ba-Abrahama, lababitiwe, labakhetsiwe. Futsi naku lapha Ukhona, kusihlwa emvakweminyaka lengemakhulu lalishumi nemfica, Usaphila nje kakhulu kusihlwa njengoba Wawunjalo ngesikhatsi Ukhulumna nalowesifazane emtfonjeni. NguNkulunkulu abonakaliswa enyameni, manje enyameni yeMlobokati waKhe, ngoba uMlobokati neMyeni yinyama lefanako. "Laba lababili bamunye." Futsi liBandla liba

nguMlobokati, ngaso sonkhe sikhatsi, ngekukholwa Livi, kuze kutsi Livi neliBandla kufane. Livi eBandleni, lilenta libe nguMlobokati. Sibonakaliso sekugcina, Nkulunkulu atikhomba Yena lucobo, Livi eBandleni.

²⁵⁵ O Nkulunkulu, labantfu labatsi bayakholwa, babeke tandra tabo etikwalomunye nalomunye. Bayakhuleka. Buka phansi kusuka eNkhatimulweni yaKho, Nkhosi, bukisisa. Cinisa Livi laKho. Watsi, "Letibonakaliso leti tiyobalandzela labakholvako. Uma babeka tandra tabo etikwalabagulako, bayosindza."

²⁵⁶ O Nkulunkulu, kwangatsi Sathane angalahlekelwa kubamba kwakhe ekukholweni kwabo kusihlwa. Kwangatsi Nkulunkulu angangena futsi abatise kutsi Utikhombe Yena lucobo khona lapha emkhatsini wetfu. Futsi Jesu Khristu iNdvodzana yaNkulunkulu ulapha kanye natsi manje, lokhonjwe nguJesu Khristu lovukile, atenta atiwe Yena lucobo. Kwekucala kutsi Akwente loku kusukela eminyakeni lengemakhulu lalishumi nemfica leyendlula, futsi Nangu kusihlwa. Kwangatsi Sathane angalahlekelwa ngemandla akhe; kungakholwa kwakhe kushabalale, futsi kwangatsi emandla aKhristu lovukile angangena kulabantfu laba futsi abaphilise bonkhe. Futsi sikhapha Sathane. EGameni laJesu Khristu, kwangatsi angahamba esuke kulabantfu laba khona manje, kutsi bonkhe bangalulama; basakhuleka, lomunye nalomunye, netandla tabo tibekwe etikwalomunye. Siphe kona, eGameni laJesu Khristu.

²⁵⁷ Manje nje bekani tandla tenu etikwalomunye nalomunye. Kholwani manje. Gcinani tinhloko tenu tikhotseme, emehlo enu avaliwe. Kholwa. Anginandzaba kutsi ukuphi, kutsi yini lengalungi ngawe; loko akukaphatselani nakancane. Uma Nkulunkulu, emvakweminyaka lengemakhulu lalishumi nemfica leyendlula, eme khona lapha, atikhomba Yena lucobo, avukile kulabafile; futsi watsatsa bantfu labafako futsi Atikhomba, Mesiya kuyo yonkhe iminyaka, loMesiya lofanako enta intfo lefanako ngesibonakaliso lesifanako, Uvusiwe kulabafile. Wetsembisa kutsi Uyokwenta ngaphambi nje kwekuBuya kwaKhe kwesiBili nekubhujiswa kwemhlaba webeTive! Nangu Ulapha.

²⁵⁸ Sitojula singene kuko kuleliviki, sisachubeka. Kodvwa nine, nihluphekelani lonkhe leliviki, nibe ningaphiliswa khona manje na? Kukhona lobeke sandla etikwakho, wena. Likholwa libeke sandla kuwe. Washo lamaVi, "Letibonakaliso leti tiyobalandzela labakholvako. Uma babeka tandra tabo etikwalabagulako, bayosindza. Batolulama."

²⁵⁹ Uyakukholwa ngayo yonkhe inhlitiyo yakho manje na? Uma ukukholwa ngenhlitiyo yakho yonkhe, futsi ukholwe kutsi Jesu Khristu iNdvodzana yaNkulunkulu levukile

ekufeni, Loyo lotokwehlulela eNkantolo yekwaHlulelwa, ulapha kusihlwa esimeni nemuntfu waMoya loNgewe, futsi Utenta atiwe ngesibonakaliso saKhe lesifanako semBhalo Latsembisa kunikhombisa sona, nekutsi Uyaphila, Nangu lapha. Uma ukukholwa loko ngenhlitiyo yakho yonkhe, futsi uMemukele njengemphilisi wakho, ngiyakuyala, ngeliGama laKhe nangeliGama laKhe, kutsi nime ngetinyawo tenu manje futsi nemukele kuphiliswa kwenu eGameni laJesu Khristu waseNazaretha. Sukumani, uma nikukholwa. Sukumani.

²⁶⁰ Loko kuhle. Bantfu basukuma emibhedzeni lemincane, basukuma etitulweni letinemasondvo. Futsi loko kuyamangalisa. Manje Mnikeni ludvumo nje, wonkhe umuntfu. Phakamisani tandla tenu. Manje sekusikhatsi sekutsi nimemete futsi niMnike ludvumo. Niyakholwa na? Kunebantfu labasukumile etitulweni temasondvo, baphuma emibhedzeni yabo, kuyo yonhe indzawo, basukunyisiwe. AsiMnike ludvumo. Wonkhe umuntfu phakamisani nje tandla tenu futsi niMdumise.



KUKHONJWA KWAKHRISTU KUYOYONKHE IMINYAKA SSW64-0409
(The Identification Of Christ In All Ages)

LoMlayeto ngeMnaketfu William Marrion Branham, kwekucala wetfulwa ngesiNgisi ngaLesine kusihlwa, ngenyanga yaMabasa 9, 1964, eNational Guard Armory eBirmingham, eAlabama, eU.S.A., utsatselwe ekucopheni kwetheyiphu lenamazibuthe futsi wakhicitwa ungakafinyetwa ngesiNgisi. Luku kuhunyushwa ngeSiSwati kwakhicitwa kwakhishwa yiVoice Of God Recordings.

SWATI

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org